

黔記卷十七目錄

學校志下

思南府屬

銅仁府

石阡府

鎮遠府

黎平府屬

威清衛

平壩衛

安莊衛

安順府屬

安南衛

赤水衛

永寧宣撫司

畢節衛

烏撒衛

龍里衛

新添衛

平越府屬

清平衛

興隆衛

偏橋衛

平溪衛



黔記卷十七

新始泰平風日... 泰和郭子章相奎父者...
 漢州宋興祖... 貴溪畢三才...
 學校志下

思南府儒學在府治北即宣慰田氏故宅永樂十三年自
 河東宣慰學遷此成化間知府王南重建正德二年知府
 甯閱重脩嘉靖元年知府李文敏重建嘉靖十五年知府
 洪价重脩 文廟隆慶辛未知府田稔萬曆戊寅知府王

琢王再脩

布政田秋學記略曰貴陽八郡雖僻在西南距京師萬里而涵濡樂育之下人才亦每輩出維是思南黔地舊爲宣慰司學在河東永樂中宣慰田氏以不法廢遂卽司治爲府而以宅爲學宮大成殿仍其廳事雖規制弗稱而材瓦最爲精美故百餘年得不廢至正德丁卯始有繼脩之者曾未五六年而圯人更四守時歷十年至像設暴于風日籩豆薦于潢潦往往以工費鉅重莫有任脩建之責者庚辰冬衛輝李侯文敏以宗人經歷出守我思下車三日謁廟周視曰宇敝甚矣將訛諉哉維辛巳歲迺卜志於神度材於所僞工於國布日於民民迺大和會繩繩子來罔或告於勞啓蟄八日而戒事龍見而就緒大成殿殿高四丈有奇深五丈廣七丈兩廡各柒間戟門伍間櫺星門壹座俱恢宏鉅麗有倍于前明倫堂兩齋罔不新飾復構講堂參間號房貳拾間于廟東隙地以爲諸生肄業所至是矩制盛備匪復在昔之草創矣余惟先聖之道如日中天固不以廟貌之興廢而有加損然人才之產如金在範每視在位者之振

野記卷之七
作以爲盛哀吾思爲西南劇郡當蜀貴之交嶺嶠綿亘
溪澗且紆中爲悍酋所據山川之氣鬱而未舒者幾百
年迺幸 文皇帝開拓土宇包夷荒而郡縣之用是山
川效靈敷華孕秀其精秘所積闡爲章采者匪直芙蓉
箭簇之丹砂與合抱故斗之香楠也故或以忠節著或
以治行稱霧舉雲升彬彬然相望于科目者胥此焉出
今日廟貌一新堂序改色不惟泮水青衿之才皆巖廊
公輔之器亦因以風定四國約共夸毗消其頑戾俾淳
龐載俾鄒魯化行俾我思永有絃歌之聲斯則學道
之有成匪特崇飾宮牆而已

叅政李渭重修學記曰思南學爲宣慰氏舊居 先師
廟乃舊居堂皇兩杏樹于霄蔽兩階宣慰氏所植傳者
近三百年云若爲今杏壇樹者樹不易果果惟比士歲
登等數視果數樹亦奇矣弘治前廟廡規制不稱正德
辛巳郡守李公文敏拓之日久就圯逮隆慶辛未郡守
育庵田公關白大吏出訾筭撤朽新焉起敝棟葺垂轆
葦椽藻幹紮墁易瓦自廟廡亭堂門墻臺墉皆校舊增
麗美博士宅先在明倫堂左正德間遷於堂右橈不可

居還於左至於藏脩甲乙舍皆墮地矣即舊趾復之工
有緒將進承學仕綴習其間置經史若干費約而勞勤
則多矣閭里民毫無喧也壬申涓自粵入都過舍省封
樹育庵田公泊司理松滋伍公晉諸譽彥玄嶽觀中論
孔子之學育庵曰孔學學仁也是日陽和清穆雲行鳥
飛天地生生大德洪鬯兩間在坐者長幼循序答問取
次誦書歌詩肅肅雖涓曰即此仁何以加諸育庵省
里甲砥誦調膚獎孝弟力田者導不誼以教化措法此
不用即此何以加諸命涓撰學記且欲得一二語明孔
仁以勵諸譽彥今九載向虛然喏也萬曆戊寅郡守王
公崑源以名侍御來思南繼脩之司理王公逢吾屈公
心寰先後共成之脩文昌宮培學之左山脩櫺星門儼
學之具瞻敬一亭乃批剝圯矣新其椽墉名宦舊合祀
於鄉賢祠奠祝雜施也分祠祀之且命場師植翠栢芳
桂數百章育庵之所未為者益備矣其教膠序給膏楮
視士比偶文皆罔杼心迺授執義俾由衷還雅已卯占
解頰卽倍往歲興學愛士汲汲然涓不得指拾也感今
憶往記之曰孔子學學仁也堯舜禹周莫不以此生人

人孔子紹述之授於三千朋徒非惟三千朋徒嫻其誼指卽顯者邦君卿大夫隱者接輿荷簣以至難與言如互鄉愚幼如闕黨小子罔不懇懇引誘欲人人共立而共達焉用是皇皇於齊衛陳蔡宋楚郊邦席不暇煖輒不得輟其心何爲心邪孔子四方千古之心與蓋載大德竝之無二已今委蛇膠序間讀孔子遺書展裘逐墨拜心而赴時父師見其誦讀勤劬不少諄諄師可之父兄以至朋戚皆稱可不以爲非彼亦怡然自許也其可而許也果孔子所謂仁者乎長獻於有司信謀樂楮不可窮以辭有司見其不可窮以辭而其辭不忤於魯故有司可之黨里四字人士皆稱可不以爲非彼亦太然自滿也其可而滿也果孔子所謂仁者乎果爲仁卽日展裘日逐墨日日學孔也否否則道越而欲面冥山吾見其日背冥已比就除目得蒞蒼赤措注宰割與往歲習於父師獻於有司者証合否邪其不視往所爲如故楮弁髦鮮矣宦足而身退宮室隆矣妻妾容與備矣問其向所謂誦讀者十不能記其二三也若夜寐隄警中事矣已不用又使其子弟爲之子弟能耻其所怡然太

今已入

卷之二十一

五

然者閭里之人靡不哆哆而聲稱有以孔子所生人者
 喁喁款語即相顧逡循辟易莫敢或承甚有疾視焦謬
 以為遠且于 國家造士顧欲得若人已哉昔兩杏樹
 今栢桂初植培以沃土灌以甘澤其根以猥大其枝柯
 根既深惟不害其長不得動堰而增設焉孔子之仁即
 樹根抵也養士於膠序也厚其廩餼縱其游習土沃而
 澤甘其欲拔地千丈不稱良於崇朝者也以孔子遺書
 比偶為文辭是枝葉耳 國家課士以枝葉因以觀士
 中藏非教人逐逐外驚也至於拔無當空言躡策邀則
 斧斤伐之牛羊牧之又且濯濯稿矣吾髀士彥邇共渭
 明孔學於川上學舍躬庸德之行篤信底理彬彬然近
 仁豈若是彌彌下哉育庵田公諱稔山東高堂人崑源
 王公諱琢玉莘縣人逢吾王公諱奇嗣蜀之蓬州人心
 寰屈公諱羣言粵之番禺人

思南府學田

壹分萬曆二十六年巡撫江東之巡按應朝卿發銀檄
 知府趙恒置歲收倉斗穀叁拾石以助貧生婚喪○壹
 分在邵家橋計貳大坵每年納穀叁拾石知府趙恒建

倉於啓聖祠前收貯以濟貧生○壹分萬曆三十年子

章發銀伍拾兩置在地名彭家井計貳拾柒坵年分倉

斗穀貳拾石內除貳石納差外實收穀壹拾捌石○壹

分在川岩計拾玖坵除納糧外年收倉斗穀壹拾肆石

陸斗伍升又紅花井山上租銀捌錢輸納隨田差銀萬曆三十四年知府陰鏞捐俸叁拾伍兩置

射圃在明倫堂後左○社學五溪司一蠻夷司一沿河司

婺川縣儒學在縣治左嘉靖十九年建

印江縣儒學在縣治內印江故無學萬曆二十七年郡人

御史蕭重望題子章會同御史宋興祖覆題建

子章疏略曰萬曆二十七年十二月程禮部咨為貴竹

沾危敬陳安邊五策以佐緩急事該本部題據儀制清

吏司案呈奉本部送禮科抄出巡按直隸監察御史蕭

重望題前事內一款弘化誨消獷悍夷民亦人也不可

以威龍言則化誨而懷服之即如思州思南故為田氏兩

酋竊據國初雖納款奉貢而煽虐梗化致塵天討

永樂間改流建學浸成禮讓之俗二百年餘無復夷患

又近日故總兵石邦憲勸誘苗酋吳栳屹以儒衣冠被

服其子而歸命恐後明效昭然播民之敢於從逆者良

絲積威所刻人不知方而獷悍如故無感也今印江縣
介在酉播鎮草之間青衿幾滿百而寄學思南大稱不
便以故洞寨子弟即有向化之心往往患苦跋履弦誦
中輟該縣官民僉謂印江建學其有益於化夷甚鉅臣
孰其廟廡廡署祭祀廩餼諸費種種備具第以疆事控
惚撫按官未遑題請耳奉聖旨該部看了來說秋
出到部送司案呈到部看得御史蕭重望題條議貴州
印江縣介在酉播青衿滿百寄學思南大稱不便乞要
添設學宮改設教諭頃給條記并裁革興隆衛訓導
一節為照學校之設所以維世淑人微獨中原藉之以
陶鑄人文即遐方異陬所為挽草野獷悍而歸之雍容
禮讓則學校之所關係者大也印江縣古稱鬼方先是
猶絀於文物邇來青衿之士遊黌序者百餘人矣尚爾
寄學思南往返跋涉士子甚苦之今蕭御史陳安邊之
策而首之以建學蓋商確於黔中衆官而為此議非臆
說也况廟廡廡餼等項不費公帑一錢而士民願輸又
何憚而不俯從請哉但建學事重未有不由撫按會議
而徑行者行今撫按會議舉行等因於萬曆二十七年

九月十八日題奉 聖旨是移咨到臣該臣會同巡按
貴州監察御史宋興祖看得貴州宣慰司與播州宣慰
司一也貴州宣慰司有學故士多彙征夷亦向化播州
宣慰司無學故酋旣狂狴民亦頑悖則學之有無不獨
文運係以興衰亦邊方所與共安危治亂者查得甲江
縣治距思南四十里該縣諸生業已百人身居縣地名
列府庠跋涉羊腸殊爲艱苦以故蕭御史深惟治理目
擊士苦條議建學良爲急務而知縣張鎔拮据有年節
縮多方上不費公帑下不煩里旅移興隆訓導爲教諭
官不必添裁各項工食爲俸廩糧不必派一切繁費舉
然悉備旣經布政司移會提學守巡等道覆議僉同前
來相應題 請伏乞 皇上軫念遐方主張文教 勅
下吏禮二部覆議上 請行臣等欽遵施行庶夷方在
在有學荒服濟濟向風易鱗介以冠裳解椎結而詩書
其關係邊計非淺鮮矣

銅仁府儒學在府東永樂十三年知府周驥建宣德七年
燬正統八年知府蕭和鼎洪鈞相繼脩建十四年燬大順
三年張隆重建成化十二年周銓議改建嘉靖三十二年

叅議劉望之拓地改建 文廟在明倫堂前尊經閣在堂
後郡人陳珊倡議至萬曆九年叅議秦舜翰知府林杰推
官沈森建十九年知府鄭應齡重脩二十四年知府張錫
增脩之遷銅夫子像於上

陰子淑聖像記略曰銅仁府前二江會流間有巨石焉
屹然其中前代好事者作銅人像夫子及老佛爲二教
立其上廟祀以化夷民其是非雖未辨意則善矣 明
洪武初銅仁司長官李淵更其廟曰銅佛寺是以三教
皆佛矣旣施溪人有疑銅人爲金者舟載夫子像以逃
適天將曙沉於江求之弗得意者夫子在天之靈雖不
鄙厭夷方寧不惡其是非又混害吾人心故爾邪末樂
十一年韋思南宣慰司分其地爲銅仁府正統末長官
李儀再塑夫子像天順七年李溫乃易以銅立老佛之
左予卽日命椿鳩工庀材於大成殿後建燕居所廿二
日奉遷 夫子像於其中旣告以文命工稍復潤色爲
坐像而幅巾深衣儼然申申天天之氣象如在其上一
時官吏及庸人孺子奔走競觀者填市塞巷咸躍然以
喜曰今日纔是然則人知是非久矣第無敢改爲耳

銅仁府學田

羅田冲濫泥冲貳分肆拾貳坵計種叁石伍斗年收租壹百貳拾秤叁拾斤折紋銀陸兩叁錢萬曆十六年知府林大輔置○上地野蕭家寨田壹段計種叁斗伍升○又壹段計種肆斗伍升○又壹段計種叁斗○地貳畝除糧差外每年納租米貳拾叁秤折紋銀壹兩肆錢伍分萬曆十九年知府鄭應齡推官張祐清置○客寨巴榔田壹段貳拾壹坵計種壹石捌斗除糧差外歲納倉斗穀貳拾伍石萬曆二十九年署印思南府推官趙民說置○濫泥水田壹段大小壹百壹拾叁坵計種壹石叁斗除糧差外歲納倉斗穀壹拾陸石○六家洞平隴水田貳段上段貳拾坵下段五坵共計種壹石伍斗除糧差外歲納倉斗穀壹拾捌石共叁拾肆石萬曆三十一年子章發銀伍拾兩檄知府何大緝推官譚允置李渭學田記余初識林東瀛公於粵之河源河源注偕大都皆以立生民之命云頃以南民部郎出守銅郊圻錯夷獠而處其難治視河源公所注厝益謹乃布一聖諭示諸夷樹苗隘諸營壘桿內地命駕深入不爲勞給

城戍餉食以時不爲淫賓祭郵傳劑量減省不爲費盡
雉堞辟濫泥山路不爲擾諸所施設無非爲全活遐氓
計而膠宮才雋充其所造育者銅學宮開設以來未有
供畝公穀軍民侵隱隴畦陸拾餘畝復出養廉資易民
田肆拾餘畝以食才雋之在序者當道稱之余惟國
家造士匪直逢曳策遇一日布列庶位生民縣命不可
稽數作育意深矣然士食公庾僅僅四十人餘直附名
籍習佔俾待徵時選茲田佐公庾之未周充廣國家
育才至意而多雋府食畝中益奮提脩立生民縣命蓋
本庶不負置田至意矣余異時而言財者民之命也居
不求安食不求飽乃能爲民立命宮室之美妻妾之奉
所識窮乏得我三者失吾本心欲以立民命何異戴盆
望天公嘗過我川上誦薦紳先哲多渾朴風近靡蹈三
者窠臼額蹙然有力挽意此則公立命基本而多雋知
此則公之教與百畝田竝傳矣

石阡府儒學在府治南永樂十二年建正統未燬于寇成
化十六年知府余志重脩在文廟右萬曆十八年知府陸
郊遷于文廟左萬曆二十四年知府郭原賓建敬一亭于

尊經閣後旁勒五箴

文廟在學右塔聖名宦鄉賢三祠附之

石阡府學田

萬曆六年知府鄭一信議處官銀置買地名琴蠻坡田
每年納租穀伍拾伍石肆升伍合○萬曆三十一年子
章發銀伍拾兩檄該府置學田據詳請將此銀助脩文
昌閣到院隨批准將前銀脩建訖

石阡府右文田

萬曆二十六年巡撫江東之巡按應朝卿檄知府郭原
賓推官唐世臣置○梭寨貳分陸坵東至坡北至路西
南至本主田除糧差外歲納穀壹拾貳石陸斗伍升○
對門河壹分貳拾坵東南至路西至山北至溝除糧差
外歲納市斗谷捌石壹斗

明德書院在城南隆慶六年知府吳維京建萬曆六年知
府鄭一信脩二十四年知府郭原賓重修

社學二隆慶元年土官安處善創建一在城南一在城北
鎮遠府儒學永樂十一年建宣德元年知府顏澤遷府治
乃建學于府之東成化五年鎮陽江溢學舍傾毀同知何

瑄極力營造始復舊規成化十年江大溢屋漂樹校無存者成化十五年知府沈熊迺遷于府西風水家說前山未若舊學基之美嘉靖二十四年知府任佐改于府東即前改布政分司也嘉靖二十七年知府程節重脩

節記略曰永樂十有一年設府治是年卽建學固草創未備也宣德改元前守江陰顏公澤始克備之茲其地也成化十年江溢學圯十五年繼守歸安沈公熊遷于郡西說者謂山水弗善嘉靖乙巳諸士子述其狀上督學憲副波石徐公中丞北崖劉公侍御寇南張公僉曰

然行府仍復茲地君子曰此遷善以復其初學允建哉通府楊薰指揮李瀾實童厥役先師廟東西廡戟門櫺星門明倫堂進德脩業二齋凡材木咸仍舊而樸斲之亦苟合而未美也又明年歲丁未秋節守茲土思曰建學教士有司之職不可緩者於是廣所未備沿制掄材於堂之後爲敬一亭爲啓聖祠爲教官私宅堂之前爲大門扁曰儒學爲二門曰麟郊鳳藪爲三門曰禮門義路門外爲泮池爲影壁爲坊曰風化本原曰泮宮其垣之卑者高之室之陋者丹雘之路之偏者直之隘者廓

大之地之崎者平之侵於民者釐而歸之荒者木植之
几案器用物備具君子曰此盡美而至於善學允成
哉教允立哉

軍生民生應首勸合正統六年奉禮部勘合湖廣鎮遠
衛官軍生始附本學景泰三年軍生黃寧引例奏准
食廩成化三年奉禮部勘合軍生附府學補廩者准俟
次歲貢至是選貢法罷民生雲南科舉軍生湖廣科舉
成化十八年軍民生互爭廩貢本府備由申奉巡撫都
御史謝昶案驗遵照貴州宣慰司儒學事例凡食廩民

生拾名軍生拾名有缺各補其應貢輪民生一年軍生
一年各照本行秩次不許撓越至今沿襲遵行無議嘉
靖間巡按御史奏准貴州開科平清偏鎮四衛軍生
與民生一體貴州科舉

學田

嘉靖七年知府王希韶買陳祿石再寬水田叁畝謝昌
王本富水田壹拾伍畝又典吳喬楊聰水田伍畝錢定
水田叁拾畝嘉靖二十五年錢定備原價取贖訖價銀
存學後吳喬故將田盜典與千戶鄧相訖租銀向無交

完田亦失嘉靖三十一年知府程燿用價銀三十二兩
買熊宗望田勝文王採膏腴水田貳段共貳拾叁畝柒
分又查出田祖朝被軍人陳文華霸占翁沙寨大麻沙
寨脚蒜頭園三處祖田內欺隱田糧查該肆拾叁畝起
科又清出石再寬原買學田止開糧叁畝今冒開玖畝
陸分影射已田躲避差徭實多冒開陸畝二項該糧肆
拾玖畝陸分足抵學田糧稅差銀又查得繁縣稅糧知
縣葉松丈量已有定數茲以田祖朝欺隱之糧而抵作
學田則學田免差科之擾額糧無虧折之累在學有實
數在縣不虛賠共該歲收租穀貳拾柒石伍斗○一段
石再寬田坐落牙溪洞寨脚地名小葛墩計壹坵叁畝
納租穀壹石玖斗差銀壹錢捌分糧叁升陸合種田人
交納○一段謝昌田坐落碗溪舖大壩貳拾陸坵壹拾
伍畝租穀肆石差銀玖錢糧壹斗捌升今以銀糧陸租
穀肆石共歲收租穀鄉斗捌石○一段吳喬田坐落宛
溪舊舖路下計陸坵伍畝租穀壹石伍斗外差銀叁錢
糧陸升查得吳喬未曾開作學田以致未曾開糧今以
糧陸租穀壹石玖斗共歲收租穀鄉斗叁石壹斗○一

卷之十

學務志

五

且

段熊宗望田坐落分水嶺下蘇家屯大小貳拾玖坵計
朱畝壹分差銀肆錢貳分陸釐糧玖升壹合○一段熊
宗望田坐落同前大小貳拾坵計壹拾陸畝陸分差銀
玖錢玖分陸釐糧壹斗玖升玖合貳勺二段今以糧陞
租每歲定納租穀鄉斗壹拾貳石○萬曆二十九年子
章發銀壹百肆拾壹兩捌錢伍分置買生員錢懋緒熊
之彥王廷宣楊光遠周士英及黃安等水田陸分共壹
百貳拾畝伍分每年收租穀市斗陸拾捌石柒斗伍升
耗穀貳石陸升貳合伍勺收貯本學官倉遇小歉量放

一半大歉盡放賑濟貧生免其還倉儻係豐年穀積盈
餘詳請變價增置前田續入圖志○一價銀陸拾壹兩
買錢懋緒土名牙溪田大小伍拾壹坵共計叁拾柒畝
歲納市斗穀叁拾石耗穀玖斗○一價銀肆拾玖兩伍
錢買熊之彥土名鷓坪田大小陸拾貳坵共計伍拾叁
畝歲納市斗穀貳拾伍石耗穀柒斗伍升○一價銀捌
兩買王廷宣土名鷓坪田大小陸坵共計拾畝伍分歲
納市斗穀肆石耗穀壹斗貳升○一價銀玖兩買楊光
遠土名牙溪平浪沙壩三處田大小叁拾叁坵計捌畝

歲納市斗穀肆石伍斗耗穀壹斗叁升伍合○一價銀陸兩伍錢買周士英土名江古田大小壹拾肆坵共計柒畝歲納市斗穀叁石耗穀玖升○一價銀陸兩買黃安土名蘇家屯田大小肆坵共計伍畝歲納市斗穀貳石貳斗伍升耗穀陸升柒合伍勺外支剩銀壹兩捌錢伍分置倉貳間貯收前穀

社學在府南火巷舊基嘉靖三十二年知府程燦建樓房壹間半扁曰養正樓上爲童生讀書下爲教讀所居前街後開壹丈伍尺深貳丈捌尺萬曆間知府毛棟重脩一在鎮遠縣前知縣趙儒建

紫陽書院在治東萬曆伍年提學凌瑄檄府建祀朱文公十三年巡按御史毛在重脩
典文書院在施秉縣治右知縣張月建祀朱文公萬曆二十四年署縣理問楊之翰改書院祀先師移文公于東廡黎平府儒學在治東毓賢街永樂十一年改征虜將軍周驥宅建歲久傾圮天順七年知府楊緯重建
文廟在學右永樂十一年建弘治間知府張綱拓而新之
啓聖祠在廟左

黔記卷之十七
學校志
書舍肆拾貳楹萬曆十二年知府高岳建

社學在儒學前左

永從縣儒學在府城南隆慶間建萬曆六年巡撫都御史嚴清巡按秦時吉題革

叅政史旌賢黎平重修文廟記黎平有學舊矣蓋視中原重鉅哉是黔之絕徼而楚以西外藩也郡城可斗大藉材官世會相捍蔽而用二千石董之非道教之結人心其孰與守顧郡隸於黔地入於楚黔使曰是絕徼也安能越楚而治楚使亦曰彼直外藩以虛聲示要約耳

故事若御史中丞御史臺督學監司未有輪軒採風而至稱視學者前是二千石亦任情自廢不則謂城太於斗何從以贏餘佐土木蓋至今而學官陋且圯越在草莽有日矣吾夫子宗廟百官儼然在焉卽居夷不謂其陋乎顧安所稽興賢育才之典也袁景從故有聲苑苑間以尚書郎出守輒取橐中金新之於是啓聖有祠樵星有門從祀有廡名宦鄉賢有祀樂舞有器齋庫有宮拓未備者十七存未泐者什三諸博士弟子身驟見而沾沾動色也謂子大夫有文翁之遺焉夏博士邦蓋露

板而以記請傳上余里人且走使二千里逖矣稍銓次其語復之曰夫記也將紀其建置歲月而止乎抑以諭多士也迺景從則既諭之矣黎平非御史中丞御史臺督學諸監司所不採風而至者乎非藉材官世曾相捍蔽而恃道教以守者乎而景從至而遽新之不以聞不以幣金請是不汲汲人知爲名高不言而躬行者也學之道何以加此爾多士亦既入其門升其堂彬彬文質兼矣儻亦有他岐不惑屋漏不愧稱積學博聞者若而人有行先其言聲副其實以出處爲時重經者若而人異日且有辭於景從有如忽躬行而鮮實際汲汲然求人知爲名高已耳將地陋且移之多士人亦逐得以靡莫絕微陋之卽百景從若多士何故願多士亦自新其學而已矣夫景從以身教而博上欲余以言教毋乃左手故爲申其說若此

黎平府學由

萬曆三十一年子童發銀伍拾兩檄該府置田收租備

給三年大比應試生員盤纏之費○壹分在都莫寨計

外年收米花柒拾柒秤零○壹分在黃栢坡計

壹拾柒拾陸量差外年收米花叁拾貳秤半

威清衛儒學舊在城東北宣德八年建嘉靖三十三年改建西南萬曆十八年改建北城外訓導解在城舊學未遷
敬一亭俱在舊學內未遷

文廟啓聖祠

射圃在文廟後山左萬曆十八年建

威清衛學田

壹分在的澄河橋邊歲納穀壹石本學公用

社學五千戶所舍一

平霸衛儒學在城內西宣德八年建尋徙稍北弘治十年都指揮張泰指揮劉文復遷于故址嘉靖二十九年遷按張兩遷建沙作站中關萬曆二十二年改東門外

文廟在學前

啓聖祠在明倫堂後名宦鄉賢二祠俱戟門右

地城內西隅學基一所空隙沙作站中學基二所一所

乙山辛向空隙一所異山乾向召軍人住歲納地租銀

一玖錢學中公用黃鄉官舍園一所空隙

射圃在城內西察院後

社學一城內東一南街一西街一北街二關外提學徐越

建

安莊衛儒學在城內東北隅正統八年建於治東九年命
事屈伸指揮陸京移建成化弘治間指揮黃京千戶丁正
鎮撫吳晟相繼重修

文廟在明倫堂前正統九年建成化間指揮陸卿陶英李
維相繼重修

啓聖鄉賢名宦三祠俱明倫堂左

書院在列峯寺內

普安州儒學在治西洪武十三年建永樂十五年遷建嘉
靖二十五年巡按御史蕭瑞蒙增脩

文廟永樂十五年建正統八年副使李睿脩萬曆十六年
巡按趙士登重修

社學參所一在州城北外崇山營一在州治大門外知州
徐世國建本州善德等營各一所俱提學副使徐懋建

普安州學田

壹分在東山係鄉官巡撫蔣宗魯置買每年納租伍石

公用○壹分在三板橋原係實興公用荒蕪已久萬曆

二十三年學正許瑞麟申請提學沈思克招佃開墾納

租貳拾石未以脩理學宮○賓興銀弘正間僉事吳倬
 提學毛科嘉靖間都御史高狝共發紋銀叁百貳拾柒
 兩每年放貸取息萬曆二十七年巡按宋興祖訪得管
 放匪人行州議將還年故絕無產與借支不還共除本
 銀伍拾捌兩玖錢貳分尚該貳百陸拾捌兩零捌分嚴
 追還官置田追完壹百貳拾兩買鄉官吳文韶華家庄
 田壹分年納租貳拾石又追完陸拾兩買生員華國文
 西冲口田壹段年納租拾石尚該捌拾捌兩零捌分行
 令追完一併置田○除租每年紋銀貳拾壹兩

安順府儒學故晉定衛學在城內東北宣德八年叅議李
 睿建正統元年燬二年僉事屈伸建嘉靖二十六年巡按
 王紹元重建萬曆三十一年巡撫郭子章巡按畢三才題
 改為府學撫按疏略禮部覆疏詳見新貴縣學下
 文廟嘉靖三十一年御史董威宿應麟提學謝東山重脩
 啓聖祠在文廟後名宦鄉賢二祠俱禮門右
 安順府學田

地名三科樹年租穀柒石柒斗

衛社學一在城東大街一在關王廟左一在南門外月城

下一在北門內一在東關

書院在櫺星門前左

府社學一在安順舊州一在二舖一在馬官屯俱先知州

張應慶建

廖駒普定衛學記我

朝有國薄海內外日月所照悉

主悉臣郡縣軍衛罔不建學文化之盛古所未有也普

定衛肇自洪武辛酉其城郭夷坦物產富庶甲於他處

宣德癸丑憲副李公膺先任貴州叅議時卜地於城東

始建學舍者燬于火豈惟諸生失講習之地而吾夫

子神主亦假寓道宇可勝慨哉正統戊午夏僉憲屈公

仲廉問來茲祇謁文宣喟然太息乃偕鎮守都帥領公

勇及本衛指揮王斌等躬造藝臺相地度材鳩集百役

復經營之既而工告成於是樓神有殿會講有堂肄業

有齋自廊廡門牆以及苞舍福溷無一不備者經始於

是歲夏五月戊子落成於次年夏四月壬寅規模輪奐

絃誦洋溢爰命駒爲文刻諸堅石圖示永久竊惟是邦

昔在荒服之外民皆夷獠風氣習俗不類中州今則役

服貢賦一循法度衣冠言詞漸同中華是雖 國家政

治之隆抑亦教化之所資也與柳柳州謂仲尼之道與
王化同遠邇通信夫然則學校之興舉烏可後哉李公屈
公之用心誠知所先務矣諸士子以俊秀而來學者尚
當以風俗道義爲一身之任則鄒魯夷壤柱石世道之
懿不多遜于昔賢而朝廷建學之意與諸公今日之
殷勤締構者皆不孤矣

安南衛儒學在城內宣德八年建萬曆二十四年提學完
思充議以安南衛學政屬永寧州提調

文廟在明倫堂前啓聖祠在文廟左鄉賢名宦二祠提學
蔣信創建於啓聖祠左

社學二一在衛治前一在城東門外一在南門外俱萬曆
二十二年御史薛繼茂建

赤水衛儒學舊在衛城西正統五年建隆慶六年兵備廢
事沈聞改遷城東萬曆十年兵備僉事胡宥徙於衛姑

文廟啓聖祠在文廟前
射圃

社學

永寧宣撫司儒學在治西南隸四川宣撫司初止民生正

黔陽卷之十七
學校志一
統八年貴州設衛以軍生附之其科貢民生諫川軍生諫
貴嘉靖一十三年提學謝東山議呈兩院具題軍民科
貢俱屬貴州

陶心永寧司重脩儒學記略永寧古蘭州地其學自元
已有之而重脩於國朝洪武四年紅崖諸山爭妍獻
秀疊翠如屏二水合流襟帶於前雲影天光四時輝映
而此學獨據上游蓋勝槩也靈鍾秀毓豈終秘之而徒
泄之邪士之出乎其間英偉秀發歌鹿鳴而對大廷
者科不乏人謂非茲學之助不可也獨惜夫規制未備
久寢頽敝已百五十年於茲矣大成殿雖一新於藩叅
鈐山費公而其餘皆未遑也頃歲芒夷禍結叅戎成都
何侯以文武才略薦受節鉞重書來鎮茲土謁廟至學
感而言曰遠人不服脩文德以來之先聖教也學舍至
此何以爲文德地邪時雖督兵進剿不卽及此而心則
倦倦也旣而南征凱旋受成獻馘復至於學則又嘆曰
托之空言吾之耻也遂謀諸同事叅藩毛李二公三憲
胡歐舒公議論允合乃請于都憲王公熊公侍御馬公
鍾公給公帑之助者半餘費悉何公自經畫之不以煩

民於是卜吉鳩工百役具作以指揮石鍾宣撫奢爵董
其役以千戶丁祥李本土舍王鳳昇任其勞首徹明倫
堂之舊而更新之厥材孔良厥度維章次之廟無戟門
又次之齋舍解字巍然煥然與學宮稱惟孔廟雖仍其
舊而瓦椽之更垣楹之飾視昔有加當工師求木以未
充是慮會一夕大水而梗楠順流至學宮前者以百數
計噫天其有意於斯乎抑何公之誠有格於斯乎不然
此木胡爲來也學官之解舊缺其一因謀地隣而加闢
焉且并地界而盡垣之外樹以栢周環堅壯宏麗而學
制於是乎備經始於嘉靖四年夏四月吉凡四閱月而
厥功告成於是教授邵鐸司訓梁偉器廖球鍾岳合生
徒請予爲記

文廟在明倫堂左啓聖名宦鄉賢三祠附之

求寧宣撫司學田

壹分在衛東洪崖○壹分在衛北渡口○壹分在馬嶺
鋪○壹分在巴焦洞共種樹石伍斗

社學二一在倉右一在東門外萬曆七年建

畢節衛儒學舊在衛治左正德三年都指揮唐諫建隆慶

六年兵備沈聞遷於東門外萬曆十八年兵備陳性學遷於南門外虎踞山前

文廟在明倫堂前啓聖名宦鄉賢三祠附之

畢節衛學田

壹分在本學前每年納穀叁石○壹分在東門今撥換新學基址○壹分在西門外每年貳分共納穀壹拾肆石柒斗○壹分在威鎮鋪後納穀肆石伍斗○壹分在豐樂鋪每年納穀貳石伍斗○壹分在周泥站每年納穀肆石○地壹拾壹畝叁分每畝徵銀伍分共伍錢陸分○店叁拾間每年共徵銀壹拾貳兩玖錢以上田地店房俱萬曆五年兵備僉事黃鏗置

書院係舊儒學萬曆十八年兵備陳性學改建

烏撒衛儒學在城內正統八年建萬曆十年遷於城隍廟十八年遷復舊地

文廟

啓聖名宦鄉賢三祠俱並建

烏撒衛學田

貳拾伍畝壹分在黑張站歲納米伍石折徵銀叁兩○

壹分在野馬川歲納米叁石肆斗折徵銀貳兩○壹分
伍畝在西屯歲納米貳石伍斗折徵銀壹兩伍錢○地
壹段在上壩壹段在下壩正德十一年御史鄭約批准
開墾共壹百陸拾貳畝每畝納銀貳錢伍分○壹段在
簸箕灣每年納稅叁石○壹段在回回營下壩每年納
稅租九成銀陸兩以供春秋二祭○店叁間在城東關
每月納租銀壹錢

龍里衛儒學宣德八年副使李膺建於衛西嘉靖三十一年
巡按董威副使趙之屏遷建於衛左所地萬曆八年改
建於衛南倉山二十一年通學生員呈准院司道府各捐
金改建於衛治前二十四年駐鎮推官李珪脩
文廟在明倫堂左鄉賢名宦二祠附之

龍里衛學田

壹分將舊學基開墾每年納米花貳拾柒秤○壹分鄉
官王表置每年納米花拾陸秤○壹分毛官換俞下堡
每年納米花肆拾肆秤○壹分在冷水堡柏樺王守成
置每年納米花叁拾陸秤○壹分在柯老寨衛人周君
置每年納米花壹拾陸秤○壹分在汪八寨生員賴文

通置每年納米花壹拾肆秤○壹分在江北堡指揮洪
文炳置每年納白米捌斗○壹分在毛栗寨舍人周梅
置每年納米花伍秤○壹分在龍場堡每年米花壹拾
陸秤以上俱供本學秋祭之用○壹分在响水舍人鄭
再禮置每年米花壹拾伍秤○壹分在北門軍人俞文
和置每年米花壹拾貳秤○壹分在北門生員張應麒
置每年米花玖秤以上供文廟燈油之用○壹分在
龍頭堡衛人冉文光置每年米花壹拾肆秤供辦文

昌宮秋祭之用

新添衛儒學舊在衛西宣德八年副使李膺建成化十八
年指揮陳琳訓導周鳳改建今址嘉靖三十一年副使趙
之屏重修

文廟在明倫堂前啓聖名宦鄉賢三祠俱儒學內
新添衛學田

壹分在同保壩鄉官朱儼置租伍石○壹分在蠟沙指
揮王道行置租拾石久荒○壹分在城內東鄉官李講
置租拾石○壹分在小平伐司萬曆二十三年駐鎮推
官李珏置租叁石○壹分在松牌馬路共肆坵生員王

之思相每年約花肆石伍斗認納學租穀貳石貳斗伍
升○貳分壹在西門外大小貳坵米花壹拾壹石壹在
河西後壩大小拾坵米花捌石共折市斗穀貳拾貳石
捌斗每年撥人佃種認穀壹拾壹石肆斗以作脩學右
文助貧萬曆二十七年推官李珏詳罰犯人史訪白銀
壹百兩置○肆分在落河西大壩象鼻橋水姚家沙地
計拾坵塘壹口認納米花柒石玖斗萬曆二十七年推
官李珏詳追犯人余繼宗等罰贖銀伍拾兩內將肆拾
伍兩置將伍兩脩社倉房地并置碑○萬曆三十年子
章發銀伍拾兩撥該衛置田貳分壹在北門橋邊壹坵
價銀貳拾伍兩叁錢壹在牛場王家庄貳拾肆坵銀貳
拾肆兩柒錢二分共收米花貳拾叁石玖斗年認米花
壹拾壹石玖斗拾斤

社學二一在倉左萬曆十四年建一在衛左街萬曆二十
四年推官李珏建

平越府儒學故平越衛學在城內西南宣德八年參議李
睿建成化二年遷建察院左萬曆十二年改建東南倉基
內十九年復遷察院左舊基之上二十一年巡撫郭子章

詳見新貴縣學下

平越府學田

四壹分在計旗屯壹拾柒畝每年納租銀壹兩貳錢供祭
壹分在牛場堡谷郎壩貳拾柒畝每年納租銀捌兩肆
錢內除陸錢作隨田糧餘米兩捌錢作月考供給之費
今甕安縣丈作貳拾柒畝玖分零攤差銀壹兩玖錢零
伍釐糧米柒升伍合○塘貳口一在犀牛口一在牛
場亭山下

社學在察院西

石壁書院在敬一亭後嘉靖七年僉事朱佩建

中峯書院在衛浴內嘉靖十三年謫驛丞陳邦敷建

黃平州儒學在天官里平越行府城內黃平故無學萬曆
三十一年巡撫郭子章巡按畢三才題副使劉冠南知州
曹進可建撫按疏略禮部覆疏詳見新貴縣學下

文廟啓聖祠

黃平州學田

壹分在學前遞年收租脩理○壹分在城內遞年收租

供祭○塘壹口

社學在城西南通判朱崑建

清平衛儒學在衛治西北正統八年指揮使石宣建正德十三年叅議蔡潮拓地改建明倫堂在文廟後

文廟在明倫堂前敬一亭在啓聖祠後

啓聖祠在明倫堂後名宦鄉賢二祠俱學左萬曆七年提學副使凌瑄建

清平衛學田

壹分在密西寨租米壹百陸拾五石內別種肆拾斤田

荒實壹百伍拾柒石隨田糧貳斗嘉靖十三年巡按王

杏置○壹分在中寨租米壹百石正德七年鄉官孫翰

置○壹分在上五堡租米伍拾石嘉靖年間本衛百戶

朱晟置○壹分在皮溪屯生員李大壯置又荒○壹分

在中華堡租米貳拾壹石嘉靖間舍人郭彥置○壹分

在羅言寨租米伍拾柒石隨田糧壹斗柒升○壹分在

尾把寨租米貳拾陸石○壹分在平若寨租米伍拾石

以上叁分俱鄉官孫應蕃置○塘貳口俱在落邦舖前

每年納葦魚伍拾斤○田壹分米捌石供祭本衛舍人

鄭祿置○壹分在都黎寨米花壹拾陸秤隨田糧貳斗
貳升嘉靖間生員侯鳳岐捐銀伍拾兩收放生息幫祭
措揮千百戶生員施欠無還呈明扣陳大倫等俸買前
田○壹分生員汪大章欠斥銀捌兩伊子將近城堡田
壹分米捌秤抵還○壹分生員王殊欠銀拾貳兩將落
珠泉田米拾貳秤抵還其田伊家自種認春祭豬壹隻
重陸拾斤○壹分在羅言寨米花玖秤陸慶間生員龍
兩置○壹分在羅言寨米花肆秤隨田館銀柒分萬曆
二十九年軍人徐紹步炮米年存本學以備脩學之費

孫文恭公祠在清江衛城中

續衣生祠記人情所極慮於身後者在易世之裔與易
名之典而此二者恒相因也有子孫陳乞雖中才可獲
褒稱亡子孫陳乞卽高賢未免埋物抑執使然乎亡論
往故知我國家李韓公之功不遜於武益武順而全
不謚祺不善終也解大紳之賢不遜於楊文貞黃文簡
而解不謚家徒遼陽也鄒吏目之忠不遜於羅文毅舒
文節而鄒不謚雖云秩庠亦其嗣斬也人臣生豎大軍
之勳死爲若教之鬼非國家念其故卹其私誰爲然已

溺之灰而反既失之履故人情所極慮而不可必得者
國家曲體之令其世絕而祀存骨朽而名易所以彰往
而勸來也隆萬以來此論稍明章耳而目之無子孫陳
乞而褒謚如故得四人焉少保于公謙改謚忠肅少師
夏公言謚文愍中丞海公瑞謚忠介尚書孫公應鰲謚
文恭文恭之謚是章與御史宋公典祖李公時華同請
者公賜謚 詔下章又與御史畢公三才作公祠於清
平市田以供歲祀清平令劉啓周等以公祠記來請予
計公督學秦中爲三秦士師督宗北雍爲天下士師及
門入室弟子當有善言師者乃請於今御史大夫三原
溫公溫公故公所簡秦士也溫公曰弟子卽誦師無若
公言公且以哭公集杜八首示予讀之令人涕落予辭
不獲乃稽公履歷記之公姓孫氏諱應蕃字山甫揚州
如臯縣人占籍清平衛嘉靖己酉舉鄉試第一癸丑成
進士選庶吉士改戶科給事中出僉江西陝西提學
副使都察院僉都御史撫治鄖陽入爲大理卿遷戶部
右侍改禮部掌國子監祭酒事隆慶改元 上幸學公
進講無逸賜茶請告起刑右侍晉南京工部尚書卒

賜祭瘞墓木拱矣萬曆庚子章等爲請謚於 朝壬寅
詔下謚文恭錫之誥命始祠公於清平城中予按謚法
恭有九義謚公曰恭其尊賢貴義執事堅固之謂乎予
師胡正甫先生嘗語章曰宇內講明正學楚有黃安耿
公蜀有內江趙公黔有清平孫公吾豫章有南城羅公
皆賢人也已予入蜀予師與趙孫二公皆捐館舍乃合
祀三公於大儒祠及予入黔別鄒爾瞻江上爾瞻曰黔
中孫淮海李同野馬心菴皆致力斯學君此行惜不及
見三君耳予平藩後輯黔記乃合三公類傳於理學已
復爲公請謚而得恭乃知正甫先生與爾瞻言不我欺
也嗟乎公亡易世之裔而得易名之典人情所極慮不
能必得之身後者公不慮而得之遭逢 聖明眎李解
鄒三公千里矣公所著有學孔精舍彙稿易談四書近
語教秦語錄春秋節要律呂分解等書共若干卷發明
聖學且載諸書立 朝大節他日 國史當有大書之
者茲記止紀公請謚及建祠類末祠卽公書舍故址表
若干丈長若干丈中爲堂祀公堂外爲門楹曰工部尚
書孫文恭公祠祭田若干畝具載碑陰

左都御史三原門人溫純集杜哭文恭公八首○淮海
維揚一俊人湖南爲客動經春古人已用三冬足歸地
朝廷已入秦 朝廷哀職誰爭補枉沐旌旄出城府童
穉相親四十年使君高義驅千古風流儒雅亦吾師藥
餌扶吾隨所之川合東西瞻使節白頭吟望苦低垂○
其二文章日自負經術竟相傳天地身何往溪風爲颯
然自知白髮非春事離別不堪無限意中天月色好誰
看更爲後會知何地輕輕柳絮點人衣蜀地兵戈有是
非念我能書數字至總成楚蜀應全未○其三開府當
朝陳主恩前後三持節公堂宿霧被物色生態能幾時
仗鉞篆惟瞻具美楚宮曠送荆門水城尖徑旻旌旆愁
一體交態同悠悠形容勞宇宙折此淹留○其四時
來知宦達北極捧星辰尚愧微軀在蒼生倚大臣往時
文彩動 人主南極一星朝北斗講殿圖書悼側身天
地更懷古斯文去矣休屈注滄江流便與先生應求訣
琴瑟几枚柴門幽○其五北闕心常戀蒼生起謝安早
春重引江湖興憑几蕭條戴鶻冠學費天人際願闢第
一義低空有斷雲俯仰悲身世十年不見來何時搖落

深知宋玉悲中夜起坐萬感集友思前夜風雨急此道
未磷緇門之無人持高天意悽惻清秋望不極恨別鳥
驚心脩文地下深○其六致君丹檻折天際傷愁別子
規晝夜啼益嘆身世拙悲風爲我從天來城闕秋生畫
角哀但話夙昔傷懷抱江山故宅空文藻慘淡凌霜烟
淒涼憶去年寒雨颯颯枯樹濕木葉黃落龍正蟄吾將
罪真宰真宰上訴天應泣吾道竟何之鷗歸棹故池向
來憂 國淚不愧史臣詞○其七往在西京時到今者
舊悲已隨峴山淚徘徊強裁詩尚書踐台斗近淚無乾
土上有行雲愁鬱結回首孤魂夕夕客聞何處出塵芬
露從今夜白風處急紛紛○其八道爲詩書畫歸故
國樓蓋稽事則已涕淚不能收 朝廷非不知豈徒郵
備享嗚呼歸窆穿落吾安放名與日月懸死亦垂千
年杖藜嘆世者誰子春渚日落夢相牽墓久狐兔鄰浩
歌淚盈把向來披述作垂之俟來者

祠田

萬曆三十一年巡撫都御史郭子章巡按御史畢三才
發銀貳拾兩置田壹分地名教場堡在本宦墓側共計

壹拾叁坵年收米貳拾秤供春秋二祭之用佃民孫昌胤藍啓林領種

興隆衛儒學在衛治東宣德九年副使李膺指揮常智建弘治二年指揮狄俊經歷李文祥改建於城南嘉靖七年巡按御史陳講遷於城西二十六年巡按御史蕭端蒙改復初建舊址萬曆六年巡按御史馬呈圖提學副使李學一改建於衛右

文廟在明倫堂前啓聖名宦鄉賢三祠附之射圃嘉靖二十年改遷儒學以其地爲分司

備橋衛儒學在衛城中成化十八年建嘉靖二十二年改遷南向三十年重修萬曆三十一年復脩文廟在明倫堂前啓聖祠在學左南山書院在衛治南嘉靖十五年王溥建三十年重修備橋衛學田

壹分叁坵在地名館驛大壩年收穀貳拾石召人耕種分穀拾石糧差叁斗伍升○壹分壹坵在三水塘年收穀肆石召人耕種分穀貳石糧差穀伍升以上萬曆三十一年奉軍門郭子章發銀伍拾兩置○壹分壹拾壹

黑計卷之十一
學本志
坵在地名大壩塘中係佃戶陳世章領種年納穀伍石糧差壹斗伍升該學自納萬曆三十一年舍餘薛世臣捐

平溪衛儒學在衛治西嘉靖元年建

文廟在學左

平溪衛學田

萬曆三十一年子章發銀伍拾兩撥該衛置田壹分在聖殿龍共貳拾叁畝年收穀貳拾肆石肆斗地壹所在李家冲收黃豆貳石徐糧差外實收穀豆拾壹石肆斗鎮遠衛寄鎮遠府學

清浪衛寄思州府學

五開衛寄黎平府學

貢院在省城西南隅都司前嘉靖乙未御史王杏題建

巡撫吳維嶽貢院記略貴州古荒服也虞帝北而下蓄殷宗克而未化秦漢以降逞則瀕洞順亦羈縻無定疆無恒賦至我 皇明混一寰宇幅員盤薄際天所覆寄象鞮譯殊俗向風貴州遂登輿版籍尋設學校興冠裳俎豆之儀洪武甲子天下開科取士貴州附雲南試焉

永樂乙未貴州始樹藩臬大吏建省等內地三綱正四
術崇文教寔明如啓牖巡撫都御史鄧公廷瓚當弘治
改元甲寅以貴士日軌又虞經費難給也俱報罷然貴
士聞然而章無可壅闕今上疑命中興盡倫盡制改
元取義于殷宗體道接統于虞帝澤洽威暢古所不著
而未化者咸入涵濡陶鑄之中而又製教一歲五箴
註布諸司儒誕宣正學雖踈躑巖穴之夫罔不喁喁承
德而貴士引領兩科希奎壁之炤而一副其願者愈切
嘉靖庚寅有給事中田秋者復囊疏爲貴士請宗伯

檄撫按議對踰五年乙未巡按御史王公杏具奏貴建
省設學校養士歷百五十餘年文教茂往昔十倍諸士
就試雲南苦於道路瘴癘盜賊且度地得西南隅甚勝
筭所需金營建三千四百有奇校試一千二百有奇檢
藩貯羨緡可辦夫士盛旣足爲科而費復易措開科免
諸士踈躑異境且益感恩勵學力追中原文教而
山谷黎民亦欣欣願覩賓興盛事以仰讚聖化之成
從秋議便宗伯因覆言事與時皆可乃荷俞行限取士
二十有五歲臨丁酉火麗金方運屬貴州遂專試典諸

士鷲翔豹變彬彬以升放榜會有龍見之祥次年數策
 內廷拜秩者四人又踰十年丙午巡撫都御史王公學
 益巡按御史蕭公端蒙念貴士愈日盛請廣解額獲
 益以五總前後符河圖地數而湖廣有偏橋等五衛者
 錯貴壤而居先是撫按相宜于癸卯奏允以五衛士
 附貴士試至二公請廣額亦舉為詞云維嶽不類祗役
 茲上而御史部公光先以巡按至是為甲子復當大比
 士相與周視轉圜疎密崗巒左聳溪環如帶既美其地
 之勝而有待額碑則缺焉未嘗貴州鴻濛弗論即有虞
 逸昭代三千六百余年甫脫煙介臨冥託官吏政教起
 為舜翰楫讓之區又將二百值杖陛下崇文額俊沛
 仁義禮樂之化而闢科增額聲教聞明將與中原相維
 長顧于盛典未述且邊裔鮮掌故者歲月漸久案簡易
 湮將令創議成事諸或泯或淆非所以揚玉績而答昌
 期也因亟蒐史牘採其事而伐石以志之如此
 王來賢新脩貢院號舍記貴州自嘉靖丁酉始專科貢
 院建在城南其水小河穿橋西出富江環城東注其山
 筆峯峭直天馬排空皆蒼翠可掬誠煥然冠然矣第丁

士鷲翔豹變彬彬以升放榜會有龍見之祥次年敷策
內廷拜秩者四人又踰十年丙午巡撫都御史王公學
益巡按御史蕭公端蒙念貴士愈日盛請廣解額獲
益以五總前後符河圖地數而湖廣有偏橋等五衛者
錯貴壤而居先是撫按相宜于癸卯奏允以五衛士
附貴士試至二公請廣額亦舉為詞云維嶽不類祇役
茲上而御史部公光先以選按至是為甲子復當大比
士相與周視轉圍疎密崗巒左聳溪環如帶既美其地
之勝而有待顯碑則缺焉未嘗貴州鴻濛弗論卽有虞
逸昭代三千六百余年甫脫煙介幽宜就官吏政教起
為屏翰輯讓之區又將二百值杖三陛下崇文額俊沛
仁義禮樂之化而闢科增額聲教聞朔將與中原相雄
長顧王盛典未述且邊裔鮮掌故者歲月漸久案簡易
湮將令創議成事諸或泯或清非所以揚丕績而答昌
期也因亟蒐史牘採其事而伐石以志之如此
王來賢新脩貢院號舍記貴州自嘉靖丁酉始專科貢
院建在城南其水小河穿橋西出富江環城東注其山
筆峯峭直天馬排空皆蒼翠可掬誠煥然巍然矣第丁

西所取士僅二十五人丙午增至三十人諸歧足以待
進者猶多也今年甲午復當舉黔士維時督撫晉江林
公喬相待御保山薛公繼茂相與嘆曰郁郁乎文哉命
鄉論秀曷可以常數拘也乃檄諸司商確遂以加額疏
請覆蒙俞允增者五人不佞綜理試事遵例悉從節
約故于貢院堂宇門匾不事粉飾惟東西號舍皆皆木
製每年一脩費夥而工鉅試畢收藏復虞火患收藏所
不盡者悉爲假館者新之乃籌畫稍定聞于兩臺賢責
文武官易以磚石顧以磚爲舍他省皆然惟基以石覆
亦以石他省則不可得今伐石于山去省止三五里而
貢院中搗石二區可足脩砌之半其費甚省多矣是役
始于三月初告成于七月望計工不過四月餘日計費
不過四百餘金計所得號舍則一千五十餘間一勞永
逸視他省殊壯麗矣蔽風雨而垂永久庶幾有賴哉

監頭出首... 職官志

不... 職官志

缺于三氏... 職官志

貢... 職官志

亦... 職官志

職官志

職官志



職官志

黔記卷之

漢州宋興祖汝杰父正

貴溪畢三才成叔父叔

高皇帝

十下職官志

蠶衣生曰昔百里奚飯牛牛肥秦穆公問焉奚曰臣飲食

以時使之不以暴有險先後之以身牛是以肥夫民一牛

也肥牛者任牧肥民者具官黔城下胥夷路旁節苗罔兩

與俱犬羊相聚而黔官不具矣土司夷也武弁統袴也諸

郡守半任子猶世祿之子也州縣絕甲科又半出調簡則
糞除之餘也兩司不卽補補者乘欸段而來來者不突黔
而去無肯以身養瘴也卽有賢者銓曹萬里不卽知卽知
不卽遷誰肯以身坐井也志列黔官似燦然備矣而烏知
十不一二具哉雖然賢者不擇官不擇地牛尚可肥而况
吾氓肥民之方具載 高皇帝責任文而官於斯者俱未
之目詳刻於右敢告司牧

高皇帝懲吏職之弗稱親製責任條例一篇頒行各司府
州縣令刻而懸之永爲遵守務使上下相司以稽成
效今謹錄之于左

洪武二十三年

勅方今所用布政司府州縣按察司官多係民間起取
秀才人材孝廉各人授職到任之後略不以到任須
知爲重公事不謀體統不行終日聽信小人浸濶謀
取賊私酷害下民以此仁義之心淪沒殺身之計日
生一旦繫獄臨刑神魂倉皇至於哀告懇切柰何虐
民在先當此之際雖欲自新不可得矣如此者徃徃
相繼而犯上累

朝廷下辱鄉閭悲哀父母妻子孰曾有鑑其非而改過也哉所有責任條例列於後

一布政司治理親屬臨府歲月稽求所行事務察其勤惰辯其廉能綱舉到任須知內事目一一務必施行少有頑慢及貪污坐視恬忍害民者驗其實蹟奏聞提問設若用心提調催督宣布條章去惡安善儻耳目有所不及精神有所不至遺下貪官污吏及無藉頑民按察司方乃是清

一府臨州治亦體布政司施行耳目有所不及精神有所不至遺下貪官污吏及無藉頑民布政司方乃是清

一州臨縣治亦體府治施行耳目有所不及精神有所不至遺下貪官污吏及無藉頑民本府方乃是清

一縣親臨里甲務要明播條章去惡安善不致長奸損良如此上下之分定民知有所依巨細事務訴有所歸上不紊政於

朝廷下不銜冤於滿地此其治也歟若耳目有所不及精神有所不至遺下無藉頑惡之民本州方乃是清

一若布政司不能清府府不能清州州不能清縣縣不能去惡安善遺下不公不法按察司方乃是清

一按察司治理布政司府州縣務要盡除姦弊肅清一方耳目有所不及精神有所不至巡按御史方乃是清儻有通同貪官污吏以致民冤事枉者一體究治

一此令一出諸司置立文簿將行過事蹟逐一開寫每季輪差吏典一名齎送本管上司查考布政司考府府考州州考縣務從實敘母得誑惑繁文因而生事糾擾每歲進課之時布政司將本司事蹟并府州縣各齋考過事蹟文簿赴京通考敢有坐視不理有違責任者罪以重刑嗚呼今之布政司不掣所屬貪賊官吏又不申聞闡草不才諸等不公不法亦不完問府文到司竝不審其為何但知遞送而已府亦以州文如此州亦以縣文如此自布政司至府州皆不異郵亭耳所以不治為此也

總督川湖貴州軍務都御史一員間值地方有警特專征事定還朝不常設嘉靖間御史宿應麟題設總

督一員駐沅州節制三省尋省萬曆二十二年因楊會叛復設總督一員駐四川節制三省原議俟播平經理善後事竣仍省

巡撫貴州都御史一員駐省城正統間設至嘉靖四十二年因裁沅州總督奉勅加提督軍務兼制湖北川東等處地方自巡撫吳維嶽始萬曆二十九年子章因楚餉不繼題准兼制湖南道屬地方

巡按貴州監察御史一員駐省城行巡各屬
巡按雲南監察御史一員先年每歲額差併理雲貴清軍
刷卷查盤事嘉靖間以本省巡按御史兼之不復設
貴州等處承宣布政使司

左布政使一員左叅政一員左叅議一員右叅議二員
一清軍督糧分守安平道駐省城
一分守貴寧道駐烏撒
一分守新鎮道駐平越
一分守思仁道駐思南
各道叅政叅議互用無定銜舊設清軍右叅政一員後以督糧道兼理裁
經歷司經歷一員都事一員
照磨所照磨一員
理問所正理問一員
豐濟庫大使一員
本司轄倉
○新添倉
清平倉
平越倉
都勻倉
興隆倉
威清

倉平壩倉安莊倉烏撒倉赤水倉各大使一員共十員

貴州等處提刑按察司

按察使一員副使四員僉事二員○一提督學校道駐省城巡行各屬○二清軍兼理驛傳道駐省城○一兵備分巡威清道駐普定○一兵備分巡畢節道駐畢節○一兵備分巡都清道駐都勻○一兵備分巡思石道駐銅仁○各道副使僉事互用無定衙○經歷司經歷一員知事一員○照磨所照磨一員○司獄司司獄一員

鎮守貴州兼提督平清等處地方總兵官一員舊駐會城嘉靖間移駐銅仁平播後萬曆二十九年辛子章題總兵官

春夏駐貴陽以防播秋冬駐銅仁以防苗

分守四川激瀘壩底及貴州迤西叅將一員駐永寧

分守貴州及清浪等處叅將一員駐清浪

分守貴州興黃叅將一員舊無萬曆二十七年征播題

設為防播孽也

貴州都指揮使同

軍政掌印都指揮一員管屯都指揮一員管操捕都指揮一員近改遊擊將軍○經歷司經歷一員都事一員○斷

市司斷事一員

貴陽軍民府

知府一員同知一員通判一員推官一員○經歷司經歷

一員○司獄司司獄一員○府屬○儒學教授一員訓導

一員○金筑安撫司安撫一員註吏目一員○定番州知

州一員同知一員吏目一員○儒學學正一員○程番長

官司上馬長官司小程長官司盧番長官司方番長官司

卓番長官司洪番長官司臥龍番長官司大龍番長官司

小龍番長官司羅番長官司金石番長官司盧山長官司

各正長官一員共十三員俱土官各吏目一員共十三員

○木瓜長官司大華長官司各正長官一員副長官一員

共四員俱土官各吏目一員共二員○麻嚮長官司正長

官一員吏目裁○新貴縣知縣一員土縣丞一員土主簿

二員典史一員○儒學萬曆二十九年題設教諭一員

貴州宣慰使司設八處中○豐稔金平有金平宣慰使各

宣慰使二員同知一員俱土官○經歷司經歷一員都事

一員○司屬○儒學教授一員訓導一員萬曆二十九年

題裁訓導一員為新貴縣學教諭○醫學正科一員先年

俱本司民湯李二姓世襲近因貧不能赴 京承襲止以

其子孫業醫者一人護甲○陰陽學正術一員缺以習陰

陽書者護甲○僧綱司都綱一員缺以僧人護甲○道紀

司都紀一員缺以道人護甲○豐濟倉畢節倉龍里倉各

大使一員共三員○水東長官司青山長官司中營長官

司白納長官司龍里長官司底寨長官司各正長官一員

副長官一員共十二員俱土官各吏目一員共六員○創

佐長官司養龍坑長官司乖西長官司各正長官一員共

三員俱土官各吏目一員共三員○的登河巡檢司沙溪

巡檢司陸廣河巡檢司黃沙渡巡檢司各巡檢一員共四

員○貴州驛威清驛平壩驛龍里驛龍場驛陸廣驛谷里

驛水西驛奢香驛金鷄驛閣鴉驛歸化驛畢節驛創佐驛

養龍坑驛各驛丞一員共十五員○渭河驛驛丞一員萬

曆十年革

貴州衛指揮使司

掌印指揮一員管馬指揮一員僉書管屯指揮一員管操

兼管局指揮一員捕盜指揮一員○經歷司經歷一員○

鎮撫司鎮撫一員○左右中前後五所各掌印千戶一員

僉書管操千戶一員所鎮撫一員管軍屯伍百戶十員○
貴州站百戶一員

貴州前衛指揮使司

掌印指揮一員管馬指揮一員僉書管屯指揮一員管操
兼管局指揮一員補盜指揮一員○經歷司經歷一員○
鎮撫司鎮撫一員○左右中前後五所各掌印千戶一員
管操千戶一員所鎮撫一員管屯伍百戶十員

威清衛指揮使司

掌印兼管馬指揮一員僉書管屯指揮一員管操指揮一員
員捕盜指揮一員○經歷司經歷一員○鎮撫司鎮撫一員
○左右中前後五所各掌印千戶一員管操千戶一員
所鎮撫一員管屯伍百戶各十員○威清站百戶一員○
儒學教授一員

守備壩陽等處以都指揮體統指揮一員舊駐壩陽萬曆
二十九年具題改駐平壩衛

平壩衛指揮使司

掌印兼管馬指揮一員僉書管屯指揮一員管操指揮一員
員捕盜指揮一員○經歷司經歷一員○鎮撫司鎮撫一員

員○左右中前後五所各掌甲子戶一員管操千戶一員
所鎮撫一員管屯伍百戶各十員○千總站百戶一員○

儒學教授一員

安順軍民府典普定衛同城萬曆二十九年巡按宋興祖

題將安順州改設

知府一員推官一員○經歷司經歷一員○儒學舊係普

定衛學萬曆二十九年題改府學教授一員訓導一員○

隨府辦事鎮寧州土同知一員舊係安順州同知因州改

府時本官附衛鎮寧仍管安順原有地方催辦糧馬○府

屬寧谷長官司正長官一員註吏目一員○西堡長官司

正長官一員副長官一員俱土官吏目一員○普利驛驛

丞一員○廣積倉大使一員

普定衛指揮使司

掌印兼管馬指揮一員僉書管屯指揮一員管操指揮一

員捕盜指揮一員○經歷司經歷一員○鎮撫司鎮撫一

員○左右中前後五所各掌甲千戶一員管操千戶一員

所鎮撫一員管屯伍百戶各十員○普定站管站百戶一

員

鎮寧州與安莊衛同城

知州一員吏目一員○稅課局大使一員○安莊驛驛丞一員○十二營長官司康佐長官司各正長官一員副長官一員共四員俱土官各吏目一員共二員
守備安莊等處以都指揮體統指揮一員駐安莊衛
安莊衛指揮使司

掌印兼管馬指揮一員倉書管屯指揮一員管操指揮一

員捕盜指揮一員○經歷司經歷一員○鎮撫司鎮撫一

員○左方中前後五所各掌印千戶一員管操千戶一員
所鎮撫一員管屯伍百戶各十員○安莊白水查城三站

各管站百戶一員○南口北口二堡各管堡百戶一員

儒學教授一員訓導一員○關嶺守禦千戶所掌印千戶

一員管操千戶一員吏目一員

永寧州與安南衛同城

知州一員吏目一員○查城驛驛丞一員○永豐倉大使

一員○頂營長官司募役長官司各正長官一員副長官

一員共四員俱土官各吏目一員共二員○盤江巡檢司

巡檢一員土巡檢一員

安南衛指揮使司

掌印兼管馬指揮一員僉書管屯指揮一員管操指揮一員捕盜指揮一員○經歷司經歷一員○鎮撫司鎮撫二員○左右中前後五所各掌印千戶一員管操千戶一員所鎮撫二員管屯伍百戶各十員○尾灑站管站百戶一員○尾灑堡管堡百戶一員○儒學教授一員訓導一員

普安州與普安衛同城

知州一員判官一員土判官一員吏目一員○儒學學正一員訓導一員○新興驛相滿驛亦資孔驛尾灑驛驛各一員共四員○稅課局大使一員○普濟倉大使一員

普安衛指揮使司

掌印兼管馬指揮一員僉書管屯指揮一員管操指揮一員捕盜指揮一員○經歷司經歷一員○鎮撫司鎮撫一員○左右中前後五所中左右二所各掌印千戶一員管操千戶一員所鎮撫二員管屯伍百戶各十員○平夷樂民安南安籠四所守禦千戶各一員管操千戶各一員○湘滿新興亦資孔站堡各管站堡百戶一員

畢節衛指揮使司

掌印兼管馬指揮一員僉書管屯指揮一員管操指揮一員捕盜指揮一員○經歷司經歷一員○鎮撫司鎮撫一員○左右中前後五所各掌印千戶一員管操千戶一員所鎮撫一員管屯伍百戶各十員○儒學教授一員訓導一員○畢節站管站百戶一員○七星關守禦千戶所千戶一員

守備烏撒等處以都指揮體統指揮一員駐烏撒衛一烏撒衛指揮使司

掌印兼管馬指揮一員僉書管屯指揮一員管操指揮一員捕盜指揮一員○經歷司經歷一員○鎮撫司鎮撫一員○左右中前後五所各掌印千戶一員管操千戶一員所鎮撫一員管屯伍百戶各十員○儒學教授一員訓導一員○烏撒站露蓋站倘塘站黑張站周泥站瓦甸站普德歸站各管站百戶一員

赤水衛指揮使司

掌印兼管馬指揮一員僉書管屯指揮一員管操指揮一員捕盜指揮一員○經歷司經歷一員○鎮撫司鎮撫一員○左右中前後五所各掌印千戶一員管操千戶一員

所鎮撫一員管屯伍百戶各十員○儒學訓導一員○赤
 水站管站百戶一員○層臺守禦千戶所阿落密守禦千
 戶所摩泥守禦千戶所白撒守禦千戶所各掌印千戶一
 員管標千戶一員○阿永站摩泥站落臺站各管站百戶
 一員

永寧衛指揮使司

掌印兼管馬指揮一員僉書管屯指揮一員管操指揮一
 員捕盜指揮一員○經歷司經歷一員○鎮撫司鎮撫一
 員○左右中前後五所各掌印千戶一員管標千戶一員
 所鎮撫一員管屯伍百戶各十員○永寧站管站百戶一
 員○永寧鋪管鋪百戶一員○永寧倉大使一員○
 普市守禦千戶所
 掌印千戶一員管標千戶一員捕盜千戶一員吏目一員
 ○普市站管站百戶一員

龍里衛指揮使司

掌印兼管馬指揮一員僉書管屯指揮一員管操指揮一
 員捕盜指揮一員○經歷司經歷一員○鎮撫司鎮撫一
 員○左右中前後五所各掌印千戶一員管標千戶一員

所鎮撫一員管屯伍百戶各十員○儒學訓導一員○龍
里站管站百戶一員○太平伐司副主官一員吏目一員
新添衛指揮使司

掌甲兼管馬指揮一員僉書管屯指揮一員管操指揮一
員捕盜指揮一員○經歷司經歷一員○鎮撫司鎮撫一
員○左右中前後五所各掌甲千戶一員管操千戶一員
所鎮撫一員管屯伍百戶各十員○儒學教授一員訓導
一員○新添站管站百戶一員○新添倉大使一員○新
添驛驛丞一員○新添長官司小平伐長官司把平長官
司丹平長官司丹行長官司各正長官一員共五員吏目
一員共五員

守備都清等處以都指揮體統指揮一員駐平越衛
平越軍民府與平越衛同城萬曆二十九年題設

知府一員同知一員通判一員推官一員○經歷司經歷
一員○儒學舊係衛學萬曆二十九年題政府學教授一

員

平越衛指揮使司

掌印兼管馬指揮一員僉書管屯指揮一員管操指揮一

員捕盜指揮一員○經歷司經歷一員○鎮撫司鎮撫一員○左右中前後五所各掌印千戶一員管操千戶一員所鎮撫一員管屯伍百戶各十員○平越站管站百戶一員○黃緣堡管堡百戶一員○楊老站管站百戶一員○平越驛驛丞一員○楊義長官司正長官一員吏目一員黃平州與黃平所同城萬曆二十九年題設

知州一員判官一員吏目一員○儒學學正一員

黃平守禦千戶所

掌印千戶一員管操千戶一員捕盜千戶一員吏目一員

知縣一員典史一員

餘慶縣

知縣一員典史一員

守備思石等處以都指揮體統指揮一員舊駐龍泉萬曆

三十九年題改駐湄潭

湄潭縣

知縣一員典史一員

都勻府與都勻衛同城

知府一員推官一員○經歷司經歷一員○儒學教授一員訓導一員○都勻長官司正長官一員副長官一員吏目一員○平州長官司正長官一員吏目一員○平浪司邦水司各副長官一員各吏目一員○來遠驛驛丞一員○都鎮驛驛丞一員裁

獨山州

知州一員土同知一員土吏目一員○爛土長官司豐寧長官司各副長官一員共二員土官各吏目一員共二員

麻哈州

知州一員土同知一員土撫苗判官一員吏目一員○樂平長官司副長官一員土定長官司正長官一員各吏目一員共二員

清平縣與清平衛同城

知縣一員典史一員

清平衛指揮使司

掌印兼管馬指揮一員僉書管屯指揮一員管操指揮一員捕盜指揮一員○經歷司經歷一員○鎮撫司鎮撫一員○左右中前後五所各掌印千戶一員管操千戶一員

所鎮撫一員管屯伍百戶各十員○清平站管站百戶一員○儒學教授一員訓導一員○清平驛驛丞一員○凱里安撫司安撫一員
與隆衛指揮使司

掌印兼管馬指揮一員分書管屯指揮一員管操指揮一

員捕盜指揮一員○經歷司經歷一員○鎮撫司鎮撫一

員○左右中前後五所各掌印千戶一員管操千戶一員

所鎮撫一員管屯伍百戶各十員○興隆東坡二站各管

站百戶一員○重安堡管堡百戶一員○儒學教授一員

訓導一員

鎮遠府知府各五員官二員共四員

知府一員推官一員舊無萬曆二十九年題設王同知一

員五通判一員土推官一員○經歷司經歷一員○儒學

訓導一員○稅課局大使一員○陰陽學正術一員○醫

學正科一員○鎮遠驛偏橋驛清浪驛承各一員○偏

橋長官司正長官一員左副長官一員右副長官一員吏

目一員○印水長官司正長官一員副長官一員土百戶

一員

鎮遠縣

知縣一員典史一員

施秉縣

知縣一員典史裁

思州府

知府一員推官一員

員○陰陽學正術一員

都素長官司各正長官二員共四員

員○施溪長官司正長官一員

司正長官一員副長官一員

一員

思南府

知府一員同知一員

設通判一員景泰間革推官一員

照磨所照磨一員

訓導一員

辦事長官二員

沿河長官司各正長官一員副長官一員共八員俱土官

各吏目一員共四員○三坑巡檢司板橋巡檢司各巡檢一員共二員○偏刀巡檢司土巡檢一員

甲江縣

知縣一員典史一員○儒學萬曆三十八年題設教諭一

員

婺川縣

知縣一員典史一員○儒學教諭一員○隨縣辦事主百

戶一員

石阡府

知府一員推官一員○經歷司經歷一員○儒學教授一

員○石阡長官司正長官一員副長官一員吏目一員土

百戶一員○苗民長官司正長官一員吏目一員○葛彭

長官司一員吏目一員

龍泉縣萬曆二十九年題將龍泉司改設

知縣一員土縣丞一員土主簿一員典史一員○土百戶

二員

銅仁府

知府一員通判一員嘉靖三十年奏設撫苗參裁推官一

員○經歷司經歷一員○儒學訓導一員○陰陽學正術一員○醫學正科一員○省溪長官司提溪長官司烏羅長官司平頭長官司各正長官一員副長官一員共八員俱土官各吏目一員共四員○萬山長官司正長官一員
銅仁縣

知縣一員主簿一員推官一員○

黎平軍民府

知府一員推官一員○經歷司經歷一員○儒學教授一

員訓導一員○陰陽學正術一員○古州長官司八舟長

官司教化長官司中林長官司龍里長官司亮寨長官司

各正長官一員共六員俱土官各吏目一員共六員○潭

溪長官司洪州長官司湖耳長官司歐陽長官司各正長

官一員副長官一員共八員俱土官各吏目一員共四員

○赤溪長官司正長官二員吏目一員

永從縣
知縣一員典史一員

賦一員典文一員
刑部一員
禮部一員
兵部一員
刑部一員
工部一員
兵部一員
刑部一員
工部一員
兵部一員
刑部一員
工部一員

○泰和為官位五員官二員吏員一員
一員備身官一員按八員與土官各免日一員共四員
若夫官位斯代身官位職耳身官位類胡身官位各五身
各五身官一員共六員

黔記卷十九

泰和郭子章相奎父著

漢州宋興祖汝杰父正

貴溪畢三才成叔父校

貢賦志上

蠶衣生曰黔本夷區唐宋為羈縻州我明翦田楊二宣
慰而郡縣之始鴈行蜀滇顧山巖叢林田疇蜂豸自國
初至嘉靖未丈量也今上十年始度田田始有額予作
貢賦志分為十目以十年度田額及播平後度平越田額

點記卷之二十九
總紀之首曰田土有田必有農次曰戶口有田必有糧有
役次曰稅糧曰條鞭凡官於茲土者無論文武有俸次曰
官俸衛所基置屯堡星列次曰屯田屯糧屯糧餉軍例有
差等次曰月糧貯屯有倉次曰倉庾每歲屯糧董支春三
月若夏秋冬屯於楚蜀次曰協濟夷人貢馬貢砂及各稅
課司之權商雖董董刀圭亦土之毛也不可無紀故以貢
額課程稅鈔終焉嗟呼槩黔之賦不足以當江南一小縣
出自楚蜀者秦越不知納款衛所哨募等卒乎復不得飽
司黔計者曰慄慄也樞難初發藩司董貯陸千金聞之總
督李中丞中丞曰簞瓢陋巷之家何以爲斬將奪旗之事
趙方伯健嘗語人曰吾官名方伯一赤赤窶人子耳茲雖
戲論實爲名言予桔樞六年計無復之矣後之司計者尚
慎之哉尚慎之哉

田土

弘治十五年貴州布政司田土自來無丈量頃畝每歲該
納糧差俱於土官名下總行認納如洪武間例○嘉靖三
十九年令宣慰土司越境收種田土無知軍民互爲投獻

者撫按官將土司查究軍民目把人等各照例發還田土價銀入官○萬曆六年貴州布政司田土除思南石阡銅仁黎平等府貴州宣慰司清平凱里安撫司額無頃畝外貴陽府平伐長官司思州鎮遠都勻等府安順普安等州龍里新添平越三軍民衛共伍千壹百陸拾陸頃捌拾陸畝叁分零○萬曆十年奉旨清丈查舊額軍民田土共壹百陸拾伍萬玖千捌百零柒畝內除去失額伍萬壹千柒百玖拾貳畝免丈捌拾伍萬伍千肆百捌拾伍畝該丈者上失合伍萬貳千壹拾玖次今次丈出懸占等項除抵補失額外尚餘軍民田土壹拾伍萬玖千肆百玖拾肆畝遵照部議不得增糧應與額田通融攤派以免日後包累外尚清出貴前龍里等衛軍舍新墾科田壹千玖百壹拾伍畝又故絕田叁拾陸畝捌分不在前田數內應起科糧貴州田土從此有額

巡撫劉庠巡按傅順孫疏略云查得大明會典內開貴州布政司田地原無丈量頃畝歲納糧差俱於土官名下總行認納隨查本省所屬民糧田地黃冊開有頃畝不及一半軍屯田地魚鱗冊籍開載頗明後來又有

科田夾雜移東改西莫可究詰此自來所以未定田畝
 也今奉 明旨清文行令各委官分投查盤舊管田畝
 在宥司共該官民田地壹百肆萬叁千伍百玖畝該夏
 秋稅糧肆萬叁千陸百肆拾玖石陸斗陸升捌合在軍
 衛共該屯田地肆拾捌萬柒千陸百貳拾肆畝該夏稅
 屯糧玖萬肆千陸百肆石叁斗叁升伍合科田壹拾貳
 萬捌千陸百柒拾肆畝該糧陸千捌百捌拾伍石壹斗
 捌升柒合內除免文外其應丈者在民田該叁拾貳萬
 捌千伍百貳拾玖畝在屯田該叁拾叁萬伍千玖百陸
 拾肆畝科田該捌萬捌千貳拾陸畝節年失頓民田肆
 千貳百叁拾玖屯田肆萬柒千伍拾壹畝科田伍百壹
 拾貳畝今次丈出隱占等項各除抵補失額外尚有餘
 剩在民田壹拾肆萬貳千叁百壹拾肆畝屯田壹萬柒
 千壹百捌拾壹畝遵照部議不得增糧應與額田通融
 攤派以免日後包賠內普安永靈赤水畢節烏撒伍衛
 被夷占去屯田計其丈出之數不足抵補就於丈出伍
 衛新墾科田通共柒千貳百柒拾柒畝內攤糧撥補足
 額外尚有貴前龍里等衛餘剩科田壹千玖百壹拾伍

畝查係軍舍新墾不在屯田數內該起糧壹百叁石壹斗又清出貴州前衛故絕田叁拾陸畝例分該起糧柒石壹斗壹升陸合及查黃冊內開普安州夏稅地貳千叁百貳拾柒頃伍分今更止有貳千叁百貳拾柒畝伍分向來辦納夏稅貳百叁拾貳石柒斗伍升是每畝起糧壹斗實與通省徵糧之例相合黃冊以畝作頃明係差訛相應改正其先年誤增前衛屯軍餘田浮糧壹拾壹石玖斗應與除豁至於廣西四川二省夷民越占屯田今雖已乎清尚起斗田地甫作原額乃應多會內將委官查勘果夷占是實另行歸結通融減派貴州田地自來無額今始有額豪強影射之弊盡革困窮也賄之者復蘇矣

萬曆二十八年子章平播善後具本題將黃平等五司改流屬貴州設平越府黃平州薊安餘慶湄潭叁縣丈出田地壹拾陸萬貳拾貳畝龍泉縣田地在外

子章疏略云據經理分守新鎮道會同布按二司呈據平越府呈將委官丈出黃平州土中下田叁萬伍千叁百柒拾貳畝科糧貳百肆拾伍石玖斗伍升歲徵差銀

貳千貳百壹拾捌兩壹錢本色米捌百玖拾石貳斗湄潭縣上中下田叁萬柒千玖百伍拾伍畝科糧貳百肆拾陸石玖斗叁升歲徵差銀貳千貳百貳拾貳兩伍錢本色米捌百捌拾伍石伍斗甕安縣上中下田陸萬壹千柒百壹拾叁畝科糧肆百壹拾壹石伍斗伍升歲徵差銀叁千陸百柒拾陸兩玖錢本色米壹千肆百捌拾柒石玖斗餘慶縣上中下田貳萬肆千玖百捌拾貳畝科糧壹百陸拾玖石捌斗升歲徵差銀壹千伍百貳拾捌兩玖錢本色米陸百零柒石玖斗以上肆州縣共田壹拾陸萬貳拾貳畝該糧壹千零柒拾肆石叁斗壹升歲徵差銀玖千陸百肆拾陸兩肆錢本色米叁千捌百柒拾壹石伍斗又查以上田內有係逆賊私業者亦應入官變價今見各州縣費多田少議於本等糧差之外每歲量加租銀免其變價上田每畝壹錢叁分中田每畝壹錢壹分下田每畝玖分內黃平州逆田叁百畝該租銀叁拾壹兩湄潭縣逆田叁萬柒千肆百壹拾畝該租銀叁千玖百壹拾陸兩叁錢甕安縣逆田叁千畝該租銀叁百貳拾肆兩餘慶縣逆田壹千畝該租銀壹

百壹拾伍兩以上共徵租銀肆千叁百捌拾陸兩叁錢
石阡府亦將委官丈出龍泉縣上中下田叁萬肆千叁
百貳拾貳畝科糧貳百壹拾玖石叁斗伍升歲徵差銀
壹千陸百壹拾伍兩玖錢本色米柒百零壹石伍斗各
冊報司道轉報到臣看得椿木平之先急在征討椿既
平之後急在經理征討者矢在弦上不可不發經理者
鹿在園中不可不緩仰誦一明旨一則曰牽累的都免
窮治流移的招他復業還與優加賑恤以安新定地方

一則曰招無流移復業毋令最強冒奪大故 皇言明

見萬里 思加八番所以安集鴻鴈於澤休息鴛鴦於

梁者靡不周且詳矣臣等奉行 綸音宣導德意與經
理諸臣上自道府下至丞尉亦至於再至於四矣顧經
理之節目甚瑣且冗而其體統在官與民土官曰先人
歷代遺土新官曰 朝廷業已改流衲鑿不相入而互
相持舊民曰此吾世業而偶失之也何知新民新民曰
汝罪人幸而脫刃者也何得復戀態虎各相噬而勢相
戕甚至新官與新民依倚土官與舊民連結各恃衆怙
力將人入碁時以觀成敗此體統之難正也築城垣於

豺虎之穴而犷悍不可使度土田於荆棘之中而尋丈不可覈建學校以化夷而口舌紛紜徵糧馬以給公而支吾推調開道路以通商而戎賊莽伏物力詘而無以應多役掇餉殫而無以張兵威捉襟則肘見調宮則商亂甚至謂改土徒勞不如還屬此節目之難理也臣與督臣按臣會議論諸經理司道府官凡教在初而禮爲始暫給土官冠帶劄符引於繩之內次定典縣令迎送接見儀節委以職事稽其勤惰毋令逸於繩之外而官志始定查舊田有憑者還舊主查通田入害者給新民俱不令入價而責其納租土著子弟稍通者令之入學青其稅毋左其社新民子弟卽平通者止今寄學不許觀場俟二十年後始令赴試而民志始定體統旣正漸議築城垣首砌龍泉次砌甕安又次砌餘慶涓潭又次砌平越水城黃平州城銅仁縣城又次脩銅仁平越府城新添龍里衛城又次築平越行府銅仁營堡而城垣舉矣卽不敢謂金湯足恃而五板安堵千里聯絡實空虛之地爲杆蔽之資脫有不虞民亦可倚而守也乃漸議度土田起糧馬丈出田地壹拾玖萬肆千有奇歲徵

銀壹萬伍千陸百有奇本色米肆百有奇雖此之遺義
不及十之一而在黔中稍稍成聚卽一郡一州四縣官
員之俸薪道路之夫馬阜快之工食踐吏之成饒董董
取給焉又漸議建學校則改平越衛學爲府學以黃平
州學附於平越行府而土著新附之子弟肄業有地變
推結爲弦歌柔靡莫而詩書或者其藉此乎又漸議開
道路則團聚哨兵建立鋪舍脩飾候館滇楚賓旅亦稍
出涂迴跡豺狼當道荆棘塞路之日則有問矣蓋自稱
平至今已歷四年各官經理亦踰三載城市解大次之
驚叢祠能孤鳴之盜是皆我 皇上明威遠揚惠風廣
被故今夜卽祥柯驚鳥獲安平江湄水窮魚復樂豈臣
等區區智力所能辦哉

三十年大造黃冊田地共壹百壹拾玖萬陸千陸百畝零
外黃平甕安餘慶湄潭四州縣田地共壹拾陸萬貳拾貳
畝新舊通共壹百叁拾伍萬陸千陸百貳拾貳畝

戶口

舊志府州縣司衛所軍民通共壹拾肆萬捌千玖百伍拾
柒戶伍拾壹萬貳千貳百捌拾玖丁口內軍戶柒萬貳千

貳百柒拾叁戶貳拾陸萬壹千捌百陸拾玖丁口民戶陸
萬陸千陸百捌拾肆戶貳拾伍萬肆百貳拾丁口○萬曆
二十五年查存壹拾萬伍千玖百陸戶伍拾萬玖千玖百
柒拾伍丁口內軍戶伍萬玖千叁百肆拾戶壹拾捌萬肆
千陸百壹丁口民戶肆萬陸千伍百陸拾陸戶叁拾貳萬
伍千叁百柒拾肆丁口○萬曆二十八年子章平播善後
具題設平越壹府黃平壹州甕安餘慶湄潭叁縣招復
民戶玖千陸百柒拾捌丁口又九股降苗貳千肆百陸拾
陸戶苗民男婦玖千伍百壹拾叁丁口○三十年大造黃
冊肆萬捌千柒百肆拾陸戶叁拾貳萬肆千玖百捌拾玖
丁口連黃平甕安等肆州縣并九股降苗新舊通共伍萬
壹千貳百壹拾貳戶叁拾肆萬肆千壹百捌拾丁口

稅糧

成化二年奏 隄貴州所屬府州縣及宣慰等司稅糧行
巡按并按察司比較實收通關如年終不完管糧官員照
例住俸自犯人等依律擬斷若有侵欺等弊從重究治○
弘治十五年稅糧總數貴州布政司夏稅麥菽貳百伍拾
伍石肆斗伍升伍合秋糧米肆萬柒千肆百肆拾貳石貳

斗伍升陸合陸勺零○隆慶六年題 准將貴州所轄土
司比照有司事例自六年爲始全完至七八者獎賞不及
數者戒飭全欠者革去冠帶勒限追完○萬曆元年又題
准貴州所轄掌印督糧流土官全并湖廣湘鄉等縣查照
完欠分數照例獎賞住俸降調○六年總數夏稅麥孜貳
百陸拾陸石捌斗貳升零洞蠻麻布貳百伍拾玖條壹丈
伍尺秋糧米伍萬伍百肆拾壹石玖斗陸升捌合零○二
十五年巡撫江東之脩志夏稅麥孜貳百陸拾陸石捌斗
貳升零洞蠻麻布折銀貳拾玖兩伍錢零秋糧米肆萬肆
千壹百陸拾捌石叁斗陸升零屯料糧詳屯田項下○萬
曆二十八年子章平播善後具 題設平越府黃平州甕
安餘慶湄潭叁縣派徵秋糧米共肆千玖百肆拾陸石貳
升叁合疏略詳有司土田項下○二十九年子章剿皮林
後題將九股降苗附屬平越府歲納苗糧叁百貳石貳斗
叁升捌合將梁上巴野降苗附屬鎮遠府歲納草米貳千
柒百捌拾秤

子章疏略云據監軍紀功督餉經理各道呈據各委官
申報奉兩院牌前往九股羌谷龍等寨審勘諸苗情形

順逆有無協助皮林據台徒等寨苗頭謝保仰計牙風
 等領苗千餘於麓谷龍地方扶老攜幼稽首懽呼爭相
 納土願聽設流將戶口糧馬造冊呈遞職等受之共計
 大小朱拾肆寨人戶貳千肆百陸拾陸戶苗民男婦玖
 千伍百壹拾叁名口遞年認納秋糧貳百柒拾捌石陸
 斗馬館銀壹百壹拾陸兩貳錢叁分隨詣崖門地方據
 九龍各寨苗民曹全真龍歐亮等吐稱上下九股苗寨
 蔓延叁省其江內下九股通五開衛及林等寨原與湖
 廣接近聽彼就近降附外今台盤等寨上下陸營共計
 柒拾貳寨畧在江外為上九股苗夷附近貴州今願就
 近歸降改流乞准收撫免剿將戶口糧馬文冊呈遞職
 等又受之共計柒拾貳寨人戶貳千肆百肆戶男婦柒
 千貳百肆拾柒名口遞年認納上田秋糧貳拾叁石陸
 斗叁升捌合每石折銀伍兩共折銀壹百壹拾捌兩壹
 錢玖分又馬館銀捌拾柒兩叁錢玖分糧馬二項共銀
 貳百零伍兩伍錢捌分俱以萬曆三十年為始起徵等
 因呈報到道轉報到臣合行題 知

三十年天造黃冊夏稅麥收貳百陸拾伍石陸斗陸升陸

合陸勺洞蠻麻布貳百伍拾玖條壹丈伍尺秋科糧米肆
萬叁千陸百貳拾壹石貳斗肆升玖合伍勺零外平越新
府州縣秋糧米共肆千玖百肆拾陸石貳斗叁合九股降
苗秋糧叁百貳石貳斗叁升捌合梁上巴野降苗草米貳
千柒百捌拾秤以上新舊秋科糧米共肆萬捌千伍百陸
拾柒石貳斗柒升貳合伍勺零草米貳千柒百捌拾秤

條鞭

有司軍衛條鞭銀通共捌萬肆千伍百零陸兩壹錢玖分
零○萬曆三十五年巡撫江東之脩志查存柒萬伍千捌
百柒拾柒兩壹錢叁分陸釐伍毫○三十一年新舊共柒
萬捌千捌百貳拾柒兩柒錢陸分零內有司陸萬陸千玖
百叁拾叁兩肆錢貳分零軍衛壹萬壹千捌百玖拾肆兩
叁錢肆分零

官俸

正統八年令貴州都司拜所屬衛所官俸俱參分本色米
分折鈔本色於湖廣布政司附近府州縣稅糧內折徵綿
布拾萬疋每貳疋准米壹石運赴貴州鎮遠府准作貴州
迤東興隆等衛所官軍俸糧四川布政司折徵綿布拾萬
疋亦准米伍萬石內肆萬疋運赴永寧衛准作迤西晉安
等衛所官軍俸糧陸萬疋運赴貴州布政司准作附近衛
所官軍俸糧其折鈔仍於四川布政司官庫支給○成化
十六年奏准貴州都布按三司差進表箋官支廩給
貴州土官通把人等貴州土官衙門頭目舍人官族土人
從人土民人等支口糧

屯田屯糧

貴州都司原額屯田玖千叁百叁拾玖頃貳拾玖畝叁分
見額屯田叁拾玖萬貳千壹百壹拾壹畝陸分壹釐零○
洪武十五年置貴州都司衛所開設屯堡○正統六年添
設貴州按察司副使壹員提督屯田○嘉靖十二年題
准貴州屯田水利二事責令各該分巡官各照地方管理
提學官不必兼管○萬曆七年題准貴州督撫查將軍
餉照各邊事例定為多家經制每歲御史照數查盤年終

督撫開具原額收除實在及省存數目奏報○二十五年
巡撫江東之脩志軍衛屯田地陸地陸拾參萬肆千叁百伍
拾參畝零屯科糧米壹拾萬壹千捌百玖拾叁石伍斗壹
升零民田地詳上田項下秋糧詳稅糧項下○二十年實
在屯田地陸地陸拾參萬伍千叁百捌拾柒畝零屯科糧米
壹拾萬貳千壹百捌石伍斗陸升零

月糧

洪武二十三年令普定貴州平越參衛烏撒畢節永寧黃

平肆千戶所興隆普安管臺赤水肆衛軍士有家小者月

支糧壹石無家小者支伍斗正統三年又令貢州赤水等

衛所每月各添支米貳斗○五年又令貴州各衛選操旗

軍總旗月支糧柒斗伍升小旗陸斗軍人有家小者伍斗

無家小者叁斗餘俱於四川布政司官庫折支鈔○成化

二年又令貴州衛所新定事例俱米鈔中半兼支軍人無

家小者月糧陸斗本色肆斗折鈔貳斗老疾并紀錄各支

本色叁斗松茂威豐小河五衛總旗本色壹石折鈔伍斗

小旗本色貳斗折鈔叁斗有家小軍人本色捌斗折鈔貳

斗無家小者本色肆斗伍升折鈔壹斗伍升其撥堡貼守

總旗本衛支本色伍斗伍升該堡支肆斗伍升小旗本衛
支肆斗伍升該堡支肆斗伍升有家小正軍本衛支米叁
斗伍升該堡支肆斗無家小者該堡支米肆斗伍升不支
行糧續令松潘等衛所旗軍有家小者月支本色壹石無
家小支捌斗者減去叁斗老疾紀錄俱支叁斗○七年又
令貴州軍糧總旗捌斗叁升者添爲玖斗陸斗捌升者爲
捌斗軍士有家小伍斗捌升者爲柒斗無家小肆斗捌升
者爲伍斗伍升如糧不敷折給銀布○嘉靖三年議雅貴
州站軍自興隆至貴州在城十站路兼兩省者每月各加
糧貳斗其遞西至雲南路通一省者每月各加糧壹斗○

嘉靖三十年議雅貴州畢節赤水等肆衛地方站軍鋪軍
月糧除已加至柒斗肆斗者俱免加外其餘站軍月糧原
係伍斗者加至柒斗鋪軍月糧原係叁斗者加至肆斗即
行處給

倉庾

貴州布政使司黃平倉平越倉赤水倉安莊倉都勻倉威
清倉興隆倉烏撒倉清平倉新添倉平壩倉○普安州普
濟倉○永寧州永豐倉○安順府廣積倉○貴州宣慰使

司豐濟倉龍里倉異節倉○景泰二年改貴州永寧衛倉
隸四川布政司添設都事壹員監督收放○成化十六年
添設貴州布政司右叅政壹員管糧○弘治十三年奏
准貴州并各沿邊沿海去處有監守盜糧貳拾石草肆百
束銀壹拾兩錢帛等物值錢壹拾兩以上常人盜糧肆拾
石草捌百束銀貳拾兩錢帛等物值銀貳拾兩以上俱問
發邊衛求遠充軍○嘉靖四十五年添設貴州程番府管
糧通判壹員於省城駐劄○萬曆八年裁貴州督糧叅議
其糧務歸併右叅政管理

協濟

湖廣額解貴州糧米壹拾萬貳千肆百石共折銀叁萬柒
百貳拾兩○長沙府屬共貳萬玖千壹兩陸錢叁分○內
長沙縣貳千肆百叁拾肆兩捌錢○善化縣壹千叁百玖
拾壹兩貳錢壹分○瀏陽縣貳千壹百陸拾貳兩壹錢柒
分○攸縣玖百肆拾叁兩壹錢陸分○湘潭縣壹千肆百
柒拾柒兩陸分○茶陵州陸百叁拾柒兩柒錢伍分○醴
陵縣陸百玖拾叁兩肆錢肆分○相陰縣柒千叁拾貳兩
柒分○湘鄉縣捌千貳百叁拾柒兩柒錢捌分○寧鄉縣

壹千肆百貳拾陸兩伍錢伍分○益陽縣壹千陸百貳拾貳兩叁錢捌分○安化縣玖百肆拾叁兩貳錢陸分○衡州府屬共壹千壹百伍拾玖兩叁錢伍分○內衡陽縣叁百伍拾捌兩陸錢柒分○衡山縣壹百壹拾壹兩陸錢○耒陽縣壹百伍拾柒兩貳分○藍山縣伍拾伍兩陸錢貳分○臨武縣壹百壹拾玖兩伍錢陸分○鄱縣肆拾捌兩陸分○安仁縣柒拾玖兩○常寧縣壹百壹兩玖錢捌分○桂陽縣壹百貳拾柒兩捌錢肆分○郴州屬共伍百伍拾玖兩貳分○內本州壹百壹拾肆兩貳錢柒分○永興縣伍拾捌兩叁錢陸分○興寧縣壹百玖拾伍兩肆錢陸分○桂陽縣玖拾叁兩伍錢肆分○宜章縣叁拾兩伍錢陸分○桂東縣陸拾陸兩捌錢叁分○四川額解貴州糧米壹拾萬玖千柒百伍拾叁石共折銀叁萬柒千肆百柒拾肆兩伍錢○重慶府屬共貳萬伍千貳百捌拾壹兩伍錢○內合州壹千柒百肆拾壹兩柒錢○巴縣玖千柒百叁拾壹兩捌錢捌分○銅梁縣貳千叁百伍拾貳兩壹分○安居縣肆百伍拾叁兩叁錢玖分○永川縣貳千伍百柒拾貳兩玖錢柒分○江津縣貳千玖百玖拾伍兩肆錢

陸分○永興縣伍拾捌兩叁錢陸分○興寧縣壹百玖拾伍兩肆錢陸分○桂陽縣玖拾叁兩伍錢肆分○宜章縣叁拾兩伍錢陸分○桂東縣陸拾陸兩捌錢叁分○四川額解貴州糧米壹拾萬玖千柒百伍拾叁石共折銀叁萬柒千肆百柒拾肆兩伍錢○重慶府屬共貳萬伍千貳百捌拾壹兩伍錢○內合州壹千柒百肆拾壹兩柒錢○巴縣玖千柒百叁拾壹兩捌錢捌分○銅梁縣貳千叁百伍拾貳兩壹分○安居縣肆百伍拾叁兩叁錢玖分○永川縣貳千伍百柒拾貳兩玖錢柒分○江津縣貳千玖百玖拾伍兩肆錢

貳分○榮昌縣伍百伍拾玖兩捌錢○長壽縣壹千陸百肆拾伍兩貳錢○綦江縣叁百陸拾陸兩○涪州伍百陸拾兩玖錢陸分○璧山縣貳千陸拾兩伍錢伍分○定遠縣貳百貳拾肆兩陸錢貳分○敘州府屬共柒千玖百叁拾捌兩柒錢○內宜賓縣肆百伍拾兩○富順縣叁千陸百捌拾柒兩柒錢叁分○南溪縣捌百肆拾兩○長寧縣壹千肆百叁拾捌兩伍錢○隆昌縣壹千伍百貳拾貳兩肆錢柒分○瀘州屬共肆千貳百伍拾肆兩叁錢○內本州叁千壹百柒拾肆兩叁錢○江安縣壹千捌拾兩○外

播州宣慰司額納秋糧壹萬陸百貳拾伍石肆斗屢年拖欠

隆慶三年委官責令認納肆分之叁今實徵伍千捌百伍拾石內實米玖拾陸石折色叁千壹百陸拾肆兩柒錢今改爲遵義府○真州司叁百伍拾石內實米叁拾石折色壹百陸拾兩今改爲真安州○黃平司肆百伍拾石○草塘司伍百壹拾陸石貳斗○白泥司叁百肆拾伍石柒斗玖升○餘慶司壹百柒拾壹石折銀玖拾肆兩陸錢○重安司壹百貳拾玖石叁斗伍升以上伍司今改爲黃平州餘慶甕安湄潭岑縣隸平越府割屬於黔前項錢糧係

是正額○容山司捌拾伍石柒斗壹升伍合今尚屬苗寨未納○天壩干寨捌拾貳石伍斗○烏撒府秋糧玖千肆百石內貳千石折銀陸百兩○鎮雄府秋糧肆千玖百貳拾肆石○烏蒙府秋糧叁千捌百伍拾石折銀壹千陸百伍拾兩○東川府秋糧貳千玖百石折銀壹千肆百伍拾兩○嘉靖五年令四川鎮雄府額運烏撒倉糧每年准除叁百捌拾石作官吏俸糧其餘盡數支與守禦官軍如有不敷就於土官租布內補支○嘉靖十年題 准川湖協濟貴州錢糧比南北直隸江浙山陝解運京島倉糧事例定委府州縣佐貳官員部遵就限年裏赴各該倉庫上納每年先將委官及掌印管糧職名開報候通查動補完次自參政參議而下一體奏 請旌獎勅治○十三年題 准四川重敘貳府原派貴州木壘倉糧米每石折銀叁錢伍分解貴州布政司庫交收給與畢節烏撒等衛官軍○萬曆六年題 准湖廣協濟貴州糧銀以後照四川類解則例攸歸該省布政司及糧儲道徵完總解貴州交納年終冊報戶部只照協濟未完分數查參不必京邊總算○二十八年子童平播善後 題將黃平餘慶等伍司改流

屬貴州除去糧米壹千柒百玖石玖升不入協濟總數○
二十九年子章題將湖南長沙川南肆土府酉陽附隸

貴州督撫節制以便催徵錢糧

子章疏略云一議四川協濟黔省土瘠民貧不及中州

一大縣其歲供之費往往取給於楚蜀之協濟查四川

烏撒烏蒙鎮雄東川四府每年協濟貴州本色糧壹萬

肆千叁百貳拾肆石折色糧銀叁千壹百兩查每年解

庫納不及拾分之叁播州協濟糧銀每年叁千壹百陸拾

肆兩柒錢揚酋拒命逋負不納自萬曆十八年至二

十七年未完銀約貳萬玖千捌百叁拾餘兩酉陽每年

協濟銀柒百兩自萬曆十九年起至二十七年共欠貳

千玖百陸拾餘兩徒負協濟之名無益軍興之實此在

無事日猶不可況今逆酋甫定地方多難之時乎祇緣

肆府酉陽襲職不由貴州渙然不相統轄卽錢糧逋負

既無可罰之俸又無可降之官至於屢催屢負未可如

何以臣之愚四府酉陽卽不能割隸貴州至其襲職起

送四川撫按會同貴州撫按批允而後襲則彼猶有所

畏憚此一策也不然請乞嚴旨責成四川布政司立

法嚴催催完總解載入職掌無得秦越相視又一策也
不然請責烏撒同知東川烏蒙通判駐鎮本府督催四
川協濟請責重慶府管糧府佐督催西陽協濟其給由
陞遷四川撫按會同貴州撫按考覈視協濟之完欠爲
殿最必完及分數批允乃許離任又一策也舍此三策
而欲藉悠悠難必之協濟以充數敷衍哺之正供欲保
貧軍之不轉爲溝中瘠也必無幸矣伏乞 聖裁一議

楚省協濟黔中軍餉仰給楚中湖南一道所轄長衡郴
府州縣每年協濟貴州糧銀叁萬柒百貳拾兩遞年遞
負不以時納自萬曆十四年起至二十七年共拖欠銀

伍萬叁千陸百伍拾兩零而長沙府屬通欠尤甚良由

貴州撫臣兼制止及湖北不及湖南印糧官吏自以非

屬怠玩成風雖考成每年查叅不過徒飭虛文卽完欠

之數催促逾年而文始至極重者止於罰俸而止彼何

憚而汲汲完異屬之餉邪今楊會甫定黔餉一空合無

將湖南一道屬亦隸貴州撫臣節制其印糧官給由陞

遷照依湖北例具文詳貴州撫臣考覈錢糧有無完欠

方許給由離任夫常德去長沙只尺耳常德可屬又何

黔誠卷之十九
惜一長沙若長沙不屬貴州節制則拖欠之餉終無完
日貴州之軍終無飽時其為關係良非淺細伏乞 聖
裁該戶部覆奉 聖旨依議行

雲南協濟貴州驛站銀壹千伍百兩朝 覲年分加銀壹
千兩二十九年子章看得貴州中通一線實滇出入門戶
黔往來居十之四滇往來居十之五楚蜀往來居十之一
題將雲南協濟每年除原數外再加壹千伍百兩入 覲
年再增壹千兩如數依期解黔分給各驛

子章疏略云一議驛傳協濟貴州四面皆夷中路一線
實滇南出入門戶也黔之設專為滇設無黔則無滇矣
國家輿地以雲貴為極遠舊制倉驛小吏俱給符驗蓋
憫其險遠耳以故流官中無論方面即倉驛之陞轉皆
馳驛也土司中無論進 奏即貢馬之差遣皆馳驛也
鄉官中無論方面部臣即教官舉貢會試入 京皆馳
驛也蓋以極貧極乏之區當極苦極煩之差臣日夕掛
號堆案盈冗欲裁之則行路嗟怨欲給之則夫馬逃于
欲處置之則帑藏空虛衛官貧而不能賂急之則閉戶
驛官卑而不能支急之則逸去臣惟有印屐浩嘆而已

查得貴州之驛非若中原之地征民間之錢糧買馬走
遞也又非若他省之馬亦有姓名可拘也舊例健輪土
司走馬至於下衛則播之五司居其者自播會弄兵五
司出七平越興隆黃平之馬壹匹不到今播雖已減五
司猶未返舊疆驛馬之困猶然如故頃臣不得已疏請
於上借滇楚稍開驛分各馬壹拾伍匹分發平興共
濟時艱至今俱未解到黔中以貧故累及二省甚多此
亦必不可得之數也臣查得黔中道路黔之往來居十
之四滇之往來居十之五楚蜀之往來居十之一每年
雲南止協濟壹千伍百兩遇入 觀年如壹千兩似費
太少合無每年加增壹千伍百兩入 觀年再增壹千
兩如數依期解黔分給各驛俟五司改流之日錢糧上
納不乏仍將滇銀照依原額伏乞 聖裁 萬曆四十年
兵部覆議看得驛傳協濟大率謂黔省諸驛乃滇省所
必由自逆酋倡亂五司強半逃亡夷馬迄今未返驛遞
困苦殊甚議以雲南原額協濟壹千五百兩入 觀年
加壹千兩每年俱要加增壹倍委得通使之宜合行雲
南撫按衙門將前項加編銀兩照數徵解用濟黔省目

前之急蓋平清諸驛兩省往來共之自當有無相通難
以彼此而有異議俟黔省編派停受之日仍照原額協
濟不得藉口缺乏復行徧累等因覆奉 聖旨依議行

未解

貢額課程稅鈔

洪熙元年令免徵貴州宣慰司諸糧人鹽鈔○正統四年
又令免徵貴州鎮遠等府鹽鈔貴州該徵鈔俱存留本
處備用○景泰元年令納鈔十五貫所收鈔九江湖廣布
政司備用金沙州軍貴州辰元常總等府以備貴州軍職
俸給○稅課司局貴州布政司鎮遠府稅課司普安州稅
課司鎮寧州在城稅課局貴州宣慰司稅課局○稅課數
貴州稅課鈔原額壹拾肆萬捌千叁百陸拾叁貫貳百玖
文○水碓課景泰三年奏 准蠲除貴州思南印江長官
司原額水碓課其婺川縣板坑水碓場局水碓如舊○弘
治十八年裁革板坑水碓場局大使等官待後該徵之時
行本縣掌印官帶徵○萬曆三十二年行布政司查過貴
州 貢額○壹年壹貢共硃砂壹拾陸斤捌兩水碓貳百
貳拾玖斤黃蠟壹千肆百玖拾叁斤臘馬壹拾貳匹內陸

匹每匹折價銀拾兩陸匹每匹折價肆兩○叁年壹貢共
茶芽貳拾玖斤黃蠟柒拾伍斤拾貳兩膳馬壹百匹內捌
拾捌匹每匹折價銀拾兩壹拾貳匹係四川鎮雄府進寶
馬解貴州布政司發貴陽府估變價銀不等以上與布政
司登報戶部循環同○課程稅鈔壹拾叁萬陸千肆拾陸
貫叁百捌拾文稅銀叁百貳拾玖兩玖錢叁分零

貴陽軍民府

戶口○嘉靖間官民雜役伍千玖百肆拾捌戶叁萬柒百
肆拾肆戶口萬曆拾叁年報增肆萬陸千肆百肆拾丁口
二十五年報存陸千陸百玖拾玖戶叁萬捌千柒百肆拾
陸丁口定番州肆千柒百貳拾壹戶貳萬伍千貳百貳拾
貳丁口新貴縣捌百伍拾玖戶伍千捌百肆拾貳
丁口金築司壹千壹百壹拾玖戶柒千陸百捌拾貳丁口三十年黃冊陸千陸百玖拾
伍戶肆萬貳千柒百陸拾捌丁口

土田○舊志田無頃畝萬曆八年新文田地壹拾壹萬壹

千捌百伍拾陸畝叁分零二十五年報增壹拾壹萬壹千

捌百捌拾陸畝叁分定番州陸萬捌千貳百柒拾柒畝叁
分捌釐零新貴縣貳千肆百壹拾畝

金築司肆萬壹千
壹百玖拾玖畝三十年黃冊拾萬伍千貳百肆拾捌畝

貢賦○新貴縣貢竹平伐二鄉三年貢馬一匹六年一匹每

納銀 ○定番州轄各長官司并金筑司終年壹貢朝一觀

格兩 ○馬共壹拾貳匹 金筑司肆匹 程番司壹匹 韋番方番二司

一司共壹匹 洪番盧番二司共壹匹 大龍盧山二司共壹匹 小程上馬橋二司共壹匹 木瓜麻窩大華三司共壹匹

○叁年壹貢茶芽伍拾叁斤壹拾壹兩陸錢伍釐 金筑司陸兩壹錢貳分 伍釐 方番司貳拾伍斤壹兩

陸兩壹錢貳分 伍釐 方番司貳拾伍斤壹兩 ○夏稅放麥

舊額無萬曆十四年添設新貴縣報該陸石玖斗伍升 ○

秋糧舊額陸千伍百貳拾石肆斗貳升伍合伍杪萬曆八

年新丈并十四年添設新貴縣報存陸千壹拾陸石叁斗

伍升伍合零二十五年報存伍千捌百陸石柒升零 陸石

半伍升 肆合零 金筑司壹千叁百陸拾貳石伍斗 二十

年黃冊伍千捌百陸石柒升零 ○商稅門攤鈔共貳千玖

百陸拾貳貫肆百陸拾柒文

徭役 ○萬曆貳拾伍年條鞭銀差力差公費三項共銀陸

千捌百兩肆錢貳分零三十一年增至陸千玖百柒拾貳

兩肆錢 定番州屬程番司叁百玖拾貳兩陸錢肆分 肆

陸錢 陸方番司叁百貳拾壹兩伍錢伍分 叁釐 陸

陸錢 陸方番司叁百貳拾壹兩伍錢伍分 叁釐 陸

陸錢 陸方番司叁百貳拾壹兩伍錢伍分 叁釐 陸

陸錢 陸方番司叁百貳拾壹兩伍錢伍分 叁釐 陸

司貳百陸拾陸兩陸錢肆分柒釐木瓜司壹百肆拾伍兩
陸錢捌分肆釐小龍司壹百柒拾貳兩玖錢肆分叁釐麻
衙司貳拾叁兩叁錢玖分肆釐大華司柒拾壹兩捌錢伍
分通州里叁兩拾伍兩玖錢柒分玖釐克度里伍拾叁兩玖
錢柒分陸釐上下二里均納木官里壹拾伍兩壹錢伍分
伍釐新貢縣屬貴竹鄉壹千貳百零叁兩陸錢伍分平伐
鄉伍百柒拾壹兩捌錢金第司壹千零百玖拾捌兩叁錢
叁分伍釐額有表箋貢馬茶芽名衙門茶薪馬大執事
御飲考試鹿鳴宴舉貢坊牌盤纏各衙門茶薪馬大執事
橋傘門神挑荷花燈花炮油燭柴炭什物心紅紙劉刑具
門禁庫皂橋夫齋夫牢快工食各驛
供館馬價舖味諸費俱前錄內派支

惠藥局田○萬曆二十五年巡撫江東之以中軍署改建

藥局與巡校應朝卿置田建店取租銀以充藥餌有記并

名

定番州價陸拾壹兩貳錢伍分買彭朝宗章番司門首

田貳拾伍坵歲除穀拾石給佃民完納糧差實徵租市

斗穀伍拾壹石貳斗伍升又價貳拾兩買王金鑿興隆

觀前後田捌拾叁坵歲除穀貳石給佃民完納糧差實

徵租穀市斗壹拾玖石又價格壹兩陸錢買季先春方

番司門首田壹拾壹坵歲除穀貳石叁斗給佃民完納

糧差實徵租穀市斗拾石叁斗又價捌兩買陳清三方

番司前後田壹拾陸坵歲除穀壹石陸斗給佃民完納

糧差實徵租穀市斗捌石伍斗又土官龍文光原獻臥

龍司庄田歲徵租穀市斗壹拾玖石捌斗陸升陸合地
租銀陸錢陸分○以上除糧差外年收市斗租穀共壹
百零捌石玖斗壹升陸合收貯州倉議定至次年六月
每石糶價貳錢柒分連地租銀共叁拾兩零陸分柒釐
解府給局又局前建店房貳拾間歲徵店租銀貳拾陸
兩肆錢

備賑田○萬曆二十五年巡撫江東之與巡按應朝卿各
捐俸薪公費備賑等銀購買民田備賑有序銘并賑穀疏
通議給事中陳尚象記

小龍潭價米百貳拾叁兩買劉世達等田貳百肆拾陸
坵東抵龍場大路南抵鴉關大路乾塘西抵養馬苗大
路北抵長坡歲納租穀市斗貳百壹拾壹石伍斗零伍
合倉房肆間佃戶王朋阿扛邵文先王五阿成王恩王
三阿堯阿郎阿楊謝成阿潤王良富阿專阿全阿庸阿
慢阿戎王友阿遮阿正胡二王滿阿貢王應成阿倫阿
牛○蔡家關價米百零伍兩買王廷爵大關口田壹拾
伍分左抵新買陸加卿田右抵葉鄉官田上抵李鄉官
田下抵大路歲納租穀市斗壹百叁拾壹石柒斗伍升

佃戶班文華班文德班文耀班衣班眼班志清班儒班
門班曹班春班世七宋成蔡留蔡四又價貳百壹拾柒
兩買陸加卿後壩田柒分壹分下抵李鄉官行路坵上
右抵新買王鄉官田左抵大路叁分上抵潘家田右墘
壹分中下溝壹分寨脚上抵官田下抵新買王廷爵田
左抵任張二家田右挨山水溝壹分天關口上自溝腦
起抵葉鄉官田下左俱抵新買官田右抵關口炭納租
穀市斗共叁拾肆石團倉壹間佃戶班名兒班傍班刁
班文班華班長工燎志文宋成又價壹百壹拾陸兩柒
錢買張著象天關口田壹分左右俱抵新買王鄉官田
上抵潘家田下抵滕家田歲納租穀市斗貳拾叁石佃
戶班月班榜○工腰寨價叁百肆拾叁兩買蔡廷元寨
民阿茹田中壩柒拾肆坵東抵彭家民田南抵大河西
抵山脚北抵大路歲除運穀脚價實納市斗租穀壹百
叁拾捌石柒斗捌升佃戶李國太何萬翰王文訓徐高
裴文弟何烏汪秉阿銀姚廷美郭大聰漆元啓賈惠何
昂李向陽李猫兒○小擺陀寨百戶王松先首司學義
田今改備賑東抵歪脚堡後官田南抵大擺陀苗寨西

抵老榜阿寨北抵白納路河原契租貳百陸拾伍秤勘
 議歲除貳拾肆秤給佃民完糧貳石叁斗又壹拾伍秤
 完差玖錢暫令歲納租穀市斗貳拾肆石貳斗候叁年
 成熟照原數徵租佃戶阿捧羅德阿保阿黎阿問○威
 清衛劉官堡老孔寨門首共價壹百陸拾玖兩貳錢買
 耿文彬田壹拾陸分東南抵強登先田西北抵陳思孟
 田歲納租市斗米貳拾石陸斗玖升佃戶越正明彭顯
 良毛朝京朱應科阿臥周必先彭大成周章○烏當堡
 嵩長受人官田壹分東抵龍志鳳田南抵徐家田西北

荒坡北抵李家田歲除牛工穀種般運脚價共納穀貳
 器石伍斗折糧米壹石貳斗○傅羅庄新貴縣知縣張列
 鴻申詳動支缺官銀壹百貳拾玖兩陸錢又捐俸銀貳
 拾兩置買土主簿庭拱極田壹分計貳拾肆坵東南抵
 龍寨西抵河北抵小平司站馬田每歲租穀市斗伍拾石
 秋成責令拱極運納縣倉○宣慰司洗義寨共價貳百
 兩買宣慰宋承恩田歲納市斗米叁拾石運納縣倉以
 叁拾壹年為始即水旱承恩願將自己別處田米賠足
 不減升合糧差係承恩自認其田總名洗義寨而地分

拾肆段爲芭蕉八番大寨脚水尾荒田苦竹馬田猫兒
洞四脚田長田早米銀孔琵琶沙罷各有四至俱在卷
中○以上共市斗穀陸百壹拾叁石貳斗叁升伍合又
市斗米伍拾壹石捌斗玖升
遞馬穀○萬曆三十五年巡撫江東之行今貴前二衛將
遞馬銀折糶穀倉斗共伍百伍拾石止納新倉
欽恤田○萬曆二十六年巡撫江東之與巡按應朝卿議
置爲征剝賞恤之用有序拜頌

養羊寨價肆百伍拾兩買龍家寨宋家相庄田壹所小
寨左手下秧田叁拾陸坵東北抵寨并王仲林田南抵
傅家田西抵河寨後陸拾肆坵東抵金馬牙田南抵過
水田橋西抵寨脚北抵周舍劉漢傅家田馬家墳下叁
大坵東抵牛場大路南抵本寨山北抵趙明田歲收租
貳百捌拾秤內除拾秤作糧館每秤折市斗米叁升共
叁拾陸石肆斗○蔡家關價壹百玖拾兩肆錢買黃桂
華田小河拾陸坵白水口伍拾伍坵瓦窰拾捌坵本關
貳拾叁坵苗壩貳拾坵歲收租壹百叁拾陸秤共折市
斗穀叁拾肆石佃民蔡世興蔡世熙宋清宋黑兒蔡阿

蜡祭四又價肆拾玖兩零玖分肆釐買程文獻寨門首
田壹拾柒坵壩中貳坵寨脚粟木山叁坵歲收租叁拾
壹秤共折市斗穀柒石柒斗伍升佃民阿馬蔡世奇小
余兒又價壹百肆拾捌兩柒錢捌分玖釐買李應東田
寨脚叁分陸拾柒坵歲收租玖拾貳秤共折市斗穀貳
拾叁石佃民蔡文蔡世恭蔡二又價叁兩陸錢買蔡世
教與黃桂華連界田陸坵歲收租叁秤共折市斗穀柒
斗伍升○濫泥溝吳鉞借李應時田抵贓陸拾貳兩歲
收租叁拾陸秤每秤折市斗穀貳斗肆升共捌石陸斗
肆升○亢隴口陳志高借陳鑑田抵贓陸拾伍兩肆錢
歲收租叁拾柒秤每秤折市斗米壹斗壹升共叁肆石
零柒升○麥西寨白水河陳志高抵贓田壹拾柒坵東
至塘南北至溝西至山歲納市斗糧米壹石柒斗○首
城北關外萬曆三十年動支唐允恭贖回欽恤田價內
壹百陸拾兩買允汝擢房地壹所前後樓房廂房大小
共叁拾陸間以叁拾壹年正月為始每月納租銀壹兩
肆錢收貯府庫聽文支用貸往店民陸國富王應祿鄭
大本江三鄭惟亨陳希聖陳希龍毛楫毛樑○以上年

卷之十一

言財

三

收市斗米肆拾貳石壹斗柒升穀柒拾肆石壹斗肆升
又店租銀壹拾陸兩捌錢

右文田○歲收租穀共市斗壹百陸拾石田畝與價值數
目賣主佃民姓名坐落地名俱詳見學校志

蠲衣生日查右文賑田欽恤三項年共收市斗米玖拾肆
石陸升市斗穀捌百肆拾柒石叁斗柒升伍合并貴前二
衛遞馬穀倉斗伍百伍拾石又惠藥穀價并地租店房銀
共柒拾叁兩貳錢陸分柒釐原爲市藥賑貧及征剿賞恤
之用前人置田良法美意甚善第惠藥之金病者未必藥
即藥又索價於病人賑田之穀賑者未必貧貧者未必賑
即借貸又多負總爲姦究充囊橐耳與其填姦人之豁豁
孰若移以養兵養兵亦以爲民也查右文賑田遞馬三項
近因新貴縣建學師坐俸廩吏門紙劄工食無可加編據
司道府議詳於內支給每歲應支倉斗米肆百叁拾伍石
壹斗該穀捌百柒拾石貳斗折市斗穀陸百零玖石壹斗
肆升尚餘市斗米玖拾肆石陸升倉斗穀伍百伍拾石市
斗穀貳百叁拾捌石貳斗零銀柒拾叁兩貳錢陸分柒釐
盡支奏給新兵糧餉若謂三學倉生當賑除豐歲不給外

儻遇凶年查極貧者入給壹石次貧者入給伍斗俱免還
官庶無費糜可得實用

澤幽田○萬曆二十五年巡撫江東之巡按應朝卿共置
今大興寺僧歲收租以掩豁用其餘托孟蘭會以招厲魂
有序并招詞

青崖價致拾玖兩叁錢貳分伍釐買田伍分龍井壹分
東抵水溝南抵山西抵劉家田北抵歪脚堡又高寨壹
分東抵山西南北俱抵彭家田又擺瓜寨壹分東抵山
西南北俱抵越鄉官田又鹽井蘆梯田貳分東抵戚家
田南北俱抵山西抵劉家田共歲收租壹百零玖秤板
倉壹間佃民瞿燈王汝文蒲正大漆元啓阿老阿生又
價叁拾貳兩貳生負曹秉衡田叁分青崖場後龍井石
廠坡壹分貳拾貳坵前後俱抵本寺原買張含象田貳
冲貳分貳拾貳坵東至鹽井田西至越家田南北至李
家田歲共收租叁拾貳秤○以上共租壹百肆拾壹秤

貴州衛

戶口○萬曆二十五年查報城屯舖官軍實在貳千叁百
壹拾陸戶伍千叁百玖拾柒丁口

土田○舊志水陸田地肆萬肆千捌百陸拾玖畝分萬

曆九年新丈共叁萬陸千捌百陸拾玖畝零十二年水災

除豁壹千貳百伍拾柒畝捌分零今實在叁萬伍千陸百

壹拾壹畝捌分零屯田貳萬柒千壹百肆拾叁畝零
科田捌千肆百陸拾捌畝零

貢賦○屯科糧舊額伍千壹百玖拾叁石捌斗陸升萬曆

九年新丈共伍千肆百玖拾貳石貳斗零十五年覆丈除

豁虛糧陸拾柒石捌斗伍升陸合陸勺貳抄壹撮陸圭壹

粒玖粟續增肆石伍斗肆升零三十五年實在共伍千肆

百貳拾玖石肆斗肆升陸合叁勺叁抄壹撮陸肆千玖百
拾陸石肆斗肆升陸合叁勺叁抄壹撮
陸肆千玖百拾陸石肆斗肆升陸合叁勺叁抄壹撮

共伍千肆百貳拾玖石柒斗陸升叁合叁勺叁抄零內

肆千玖百柒拾陸石貳升壹合陸勺科糧肆千玖百柒拾陸石貳升壹合陸勺科糧
肆千玖百柒拾陸石貳升壹合陸勺科糧

肆百伍拾叁石柒斗肆升壹合叁抄柒勺肆百伍拾叁石柒斗肆升壹合叁抄柒勺
肆百伍拾叁石柒斗肆升壹合叁抄柒勺

樣田○糧壹百壹拾叁石伍斗捌升肆合糧壹百壹拾叁石伍斗捌升肆合
糧壹百壹拾叁石伍斗捌升肆合

徭役○萬曆二十五年條鞭歲用上中下丁差并屯糧地

租銀通共捌百貳拾貳兩伍錢柒分三十二年新舊捌百

伍拾兩伍錢柒分

賑田○萬曆二十六年巡撫江東之巡按應朝卿置歲收

租穀貯新貴縣倉

左所一百戶陸拾參畝俱在穀粟改毛堡苗理乾冲東
至坡西至河南至路歲納倉斗穀參拾貳石肆斗○二
百戶貳畝參分在孟官堡東至大灣西至滾水塘南至
榜嶼冲北至官田又穀稷冲肆坵東至老姚灣西至大
路北至本堡歲納倉斗穀伍石零貳升貳合壹勺貳撮
○三百戶肆畝在班竹堡上溝東南西至山北至河又
壽堡壹分東至山西至路北至山南至溝歲納倉斗穀
伍石柒斗柒升柒合陸勺○四百戶參畝伍分在毛粟
馬官堡乾塘東至田河西至官田又伍伍東西至官田
南北至路歲納倉斗穀參石伍斗伍升伍合肆勺○五
百戶參畝在楊官堡東至山南至水洞西至河北至根
歲納倉斗穀壹石參斗參升參合貳勺○六百戶肆畝
參分在花獐猪堡東至三架車西至寶山南至大河北
至田歲納倉斗穀壹拾柒石柒斗柒升柒合陸勺○七
百戶參畝又壹分在老鴉關堡大羅木東北至山西至
河南至大路歲納倉斗穀伍石壹斗參升參合貳勺○
八百戶參畝在五里屯長坡東至溝西至路南至坡北
至冲又十五里屯阿江橋邊壹分東至苗哨南至坡西

至哨北至河歲納倉斗穀伍石肆斗叁升叁合貳勺○
九百戶貳畝肆垵在八里屯前東至塘西至楊家田南
至王家田北至溝歲納倉斗穀壹石叁斗捌升捌合捌
勺○十百戶叁畝在尖山堡大路東至路南至溝西至
田又盪泥溝壹分東至官田南至堰北至井歲納倉斗
穀叁石貳斗叁升叁合貳勺肆勺肆分
右所一百戶叁垵在沈官堡煤窰冲東至坡西至官田
南至山地北至河歲納倉斗穀壹石貳斗○二百戶壹
畝叁分在程官堡馬鞍山東至路北至山南至官田西
至田又壹分北至新開大塘西南至官田東至路歲納
倉斗穀壹石零柒升柒合柒勺貳抄○三百戶壹畝壹
分在落灣堡後東南北俱至官田西至山歲納倉斗穀
壹石肆斗肆升肆合肆勺○四百戶壹畝肆分在曹官
堡乾塘口東南至堡西北至官田歲納倉斗穀壹石柒
斗柒升柒合柒勺貳抄○五百戶貳畝壹分在東方合
進堡大灣水淹坑東北至官田西至坡南至戴家林歲
納倉斗穀伍石貳斗捌升捌合貳勺○六百戶貳畝壹
分在黃泥堡喜雀窩東西至官田南至坡北至河歲納

倉斗穀叁石捌斗捌升捌合捌勺○七百戶拾肆畝在
落平堡東南西北俱至田又草寨壹分東北至路西南
至山歲納倉斗穀壹拾貳石貳斗貳升壹合壹勺○八
百戶貳拾叁畝伍分在酸湯堡東至堡磨山西至大路
南北至官田歲納倉斗穀貳拾捌石○九百戶壹畝壹
分在落灣堡廟前東至坡西南北俱至官田歲納穀壹
石肆斗肆升肆合肆勺○十百戶肆畝貳分在吳朝陽
堡雞場後壩西至官田歲納倉斗穀貳拾壹石柒斗柒
升柒合陸勺

中所一百戶貳拾分在劉仕廉堡平寨東至麥告西至
杉木寨南至小河北至溝坡歲納倉斗穀陸拾石○一
百戶貳畝壹分在郝官堡小河邊東至河南至坡西北
至官田歲納倉斗穀壹石捌斗捌升捌合捌勺○三百
戶捌畝在陳亮堡前壩東至山南至堡西至路北至田
又壹分東至廖家園南至路西北至河歲納倉斗穀捌
石伍斗伍升伍合○四百戶壹拾貳畝貳分在朱官堡
牛路口東至放場壩西南至官田北至路歲納倉斗穀
捌石捌斗叁升貳合捌勺○五百戶壹拾壹畝壹分在

打鼓堡改柵寨東西至官田南北至河路歲納倉斗穀
朱石壹斗柵升柵合肆勺○六百戶貳畝參分在李官
堡龍坑四至俱官田歲納倉斗穀壹石零貳升貳合壹
勺○七百戶陸畝壹坵在趙官堡河邊東至山西至河
南北至官田歲納倉斗穀貳石柵斗陸升陸合肆勺○
八百戶肆畝在彭官堡乾冲東南至官田西北至路又
杉木寨壹分又寨下豬田壹分東北至山南至路西至
官田歲納倉斗穀參拾朱石參斗柒升柒合陸勺○九
百戶肆畝伍分在孫官堡前壩東南至官田西北至窰
又界牌坡貳坵東西至寨南北至坡歲納倉斗穀肆石
參斗玖升玖合捌勺○十百戶捌畝參分在尖山堡馬
屎崖東至堡西南至路北至山又豬場堡王家壩壹分
東至山南北至官田西至路歲納倉斗穀捌石零捌升
捌合伍勺貳抄

前所二百戶肆畝在王官堡東北至冷水溝西南至官
田又大龍田貳分東南至官田北至大路歲納倉斗
穀肆石壹斗柒升柒合陸勺○二百戶貳畝在甯官堡
鴨子田東西南俱至官田北至河溝歲納倉斗穀捌斗

捌升捌合捌勺○三百戶肆畝在馬官堡小墘東至田
 南至堰西至山北至路又大橋壹分東南至河西至坡
 北至路歲納倉斗穀叁石零柒升柒合陸勺○四百戶
 肆畝在羅家寨周官堡過河處東南至河西北至坡歲
 納倉斗穀貳石貳斗貳升貳合○五百戶玖畝壹分在
 長麥地四至俱官田壹分在普陀堡過河處東南至河
 西北至坡歲納倉斗穀伍石壹斗玖升玖合○六百戶
 壹畝貳坵在隴落堡小北東至朱家地西南至官田北
 至路歲納倉斗穀玖斗肆升肆合肆勺○七百戶叁畝
 又貳分在盧宮堡阿完窰廠冲東南至官田西至山北
 至路歲納倉斗穀肆石叁斗叁升叁合貳勺○八百戶
 叁畝在盛官堡東南至魚灘河西至路北至堡又壹分
 東西至坡南至龍井關北至路歲納倉斗穀貳石陸斗
 叁升叁合貳勺○九百戶壹分在汪官堡壩中四至俱
 官田歲納倉斗穀壹石○十百戶貳畝伍分在陳官堡
 金銀山東至堡西至河南至路北至坡又大灣壹分東
 南至官田西至溝北至路歲納倉斗穀貳石肆斗壹升
 壹合貳抄

後所三百戶貳畝在李子園堡枇杷冲東至官田西至
冲南至坡北至山歲納倉斗穀捌斗捌升捌合捌勺○
四百戶叁坵在上賣羔堡東南西至官田北至路又壹
分東至倒樹舖西至官田歲納倉斗穀貳拾玖石○伍
百戶壹壩又肆坵在何官堡東至官田南至坡西至苗
田北至胡家田歲納倉斗穀伍拾壹石貳斗○六百戶
叁畝在穿心堡東南至官田西至河北至坡歲納倉斗
穀壹石叁斗叁升叁合貳勺○七百戶壹畝壹分在金
官堡乾塆田東至河南至官田西至山北至路歲納倉
斗穀柒斗肆升肆合肆勺○八百戶壹分在賣羔堡麓
蓬東至路西南北至官田歲納倉斗穀貳石○九百戶
捌畝又壹分在上馬橋堡克農黃堂東至溝西南至河
北至官田歲納倉斗穀伍石伍斗伍升伍合貳勺○十
百戶貳畝在麓蓬堡水頭田東至路西南北至官田歲
納倉斗穀貳石捌斗捌升捌合捌勺○以上每年共收
倉斗穀肆百壹拾玖石捌斗玖升壹合零

遞馬穀○先年徵銀伍拾兩顧馬專供背 勅騎坐差少
銀餘各官侵費巡撫江東之改於操馬檢差自萬曆二十

六年爲始每年折倉斗穀貳百伍拾伍石貯新貴縣倉備
賑○伍所舊赴豐濟倉完納屯科糧有使用米運無江東
之訪革改增倉斗穀壹百貳拾貳石貳斗玖升貳合肆勺
陸抄折糧米陸拾壹石壹斗肆升陸合貳勺叁抄遞年運
赴新貴縣倉上納備賑○以上賑田遞馬每年共收倉斗
穀陸百柒拾肆石捌斗玖升壹合又使用改折米倉斗陸
拾壹石壹斗肆升陸合貳勺叁抄俱自二十二年爲始收
貯縣倉盡爲湊給新兵糧餉

貴州前衛

戶口○嘉靖間城屯舖官軍貳千玖百陸拾肆戶陸千貳
百叁拾柒丁口萬曆十三年報增共貳千玖百捌拾捌戶
捌千肆百柒拾柒丁口

上田○舊志水陸田地叁萬柒千伍拾陸畝零萬曆九年
新丈報增共叁萬捌千肆百貳拾叁畝零

屯田叁萬叁千
貳百壹拾叁畝

零科田伍千貳
百壹拾畝零

貢賦○屯科糧舊額伍千肆百捌拾陸石伍斗玖升萬曆
玖年清丈共伍千伍百貳拾叁石伍升零續增叁石玖斗
陸升零二十五年實在共伍千伍百貳拾柒石貳升零

屯糧

伍千貳百肆拾石貳斗柒升零科 萬曆三十二年實在伍

千伍百貳拾柒石陸斗肆升零此糧伍千貳百肆拾石貳

柒石叁斗柒升零

樣田○糧壹百叁拾陸石壹斗伍升零

徭役○萬曆二十五年條鞭歲用丁差并屯糧地租銀通

共捌百肆拾貳兩伍錢肆分零三十二年條鞭歲用丁差

并屯糧地租通共捌百伍拾兩肆錢伍分零

備賑田○萬曆二十六年巡撫江東之巡按應朝卿置歲

收租穀貯新貴縣倉

左所一百九排樓山壹分東至官田南至河西北至路

坡又小河頭壹分東至馬場南至小河西至老苗寨北

至大路歲納倉斗穀玖石壹升折糧米肆石伍斗伍合

○二百戶漆母田壹坵東西至官田南北至坡又荒田

壩壹坵東南至山西至溝北至路歲納倉斗穀肆石折

糧米貳石○三百戶谷溪堡改扭寨叁坵東南至坡西

北至溝又青岡寨貳坵東南至青岡坡西至丁官大路

北至溝又乾溪壹分東至路南北至山西至溝歲納倉

斗穀肆石貳斗折糧米貳石壹斗○四百戶改扭寨壹

分東北至坡西至路南至溝又谷扯郎關口貳坵東南
至扯郎坡西北至羊場溝路又毛口寨貳坵東北至山
西南至田歲納倉斗穀叁石折糧米壹石伍斗○五百
戶馬脚踏田壹分東至大坡南至溝西至坡北至路又
東門脚下貳畝東至尖山南至龍洞大路西至坡北至
乾溝歲納倉斗穀壹石捌斗折糧米玖斗○六百戶馬
鞍山壹坵東至山南至路西北至路坡又長冲叁坵壹
畝叁分東至斫糧菁南至本家田西至長冲路北至大
壩又長冲壹畝叁分東南至山西至大冲北至本家田
又阿苗寨壹畝捌分東至河南至長冲路西至官田北
至紗帽山又馬鞍山壹坵捌畝東至洞口南至金家田
西至山北至黃家田又羊場堡長冲哨壹分東南西至
山北至哨歲納倉斗穀玖石折糧米肆石伍斗○七百
戶光坑壹分四至俱官田又阿苗寨壹分東至張家墳
西至路南至河北至官田又本寨壹分東至小河西至
山南至楊家田北至劉家田歲納倉斗穀壹石捌斗折
糧米玖斗○八百戶磨盤寨壹分東西至官田南至山
北至壩又王選寨壹分東至寨大路南至官溝西至小

山北至路歲納倉斗穀叁石陸斗折糧米壹石捌斗○
九百戶崖下寨貳分四至黃家田歲納倉斗穀壹石捌
斗叁升折糧米玖斗壹升伍合○十百戶龍洞寺下貳
分東南至路西至河北至龍洞脚下歲納倉斗穀叁石
折糧米壹石伍斗肆合○又同前寨壹分東至龍洞寺
右所一百戶谷龍路口叁畝東至谷龍路南至養田官
溝西北至黃家山脚總路關口又大壩河邊壹畝叁分
東至堡大路南至官田西北至大河又梯子田壹分東
至溝南至官田西北至路歲納倉斗穀玖石玖斗叁升
陸合折糧米肆石玖斗陸升捌合○二百戶板長寨壹
分東至板長山西至小河南至韓和席田北至大路又
小河壩壹分東至山南至路西北至軍田歲納倉斗穀
伍石陸斗玖折糧米貳石捌斗○三百戶楊官冲叁畝
東至養牛坡南至民田西至規槽官溝北至堡後山又
小木頭寨箐口壹畝伍分東至寨後山南至劉家墳路
西至小箐口北至養田水溝又高規壹分東至山南北
至田西至溝歲納倉斗穀肆石玖斗玖升捌合折糧米
貳石肆斗玖升玖合○四百戶應家塘肆坵東至官溝

南至黃土大堰西至官糧田北至路歲納倉斗穀貳石
折糧米壹石○五百戶馬廠下貳分東至小坡西至陳
三軍田南至田北至水溝歲納倉斗穀壹石陸斗折糧
米捌斗○六百戶鐵礦廠貳分東至堡河南至大路西
至官田北至水溝歲納倉斗穀壹石陸斗折糧米捌斗
○七百戶小長田貳分東至山西至李興旺官田南至
大路北至大河歲納倉斗穀伍石陸斗折糧米貳石捌
斗○八百戶烏當壩肆畝叁分東至大河西至徐武軍
田南至汪早軍田北至茫帶草山又滋泥壩貳坵東至河
西至路南至坡北至軍田歲納倉斗穀肆石折糧米貳
石○九百戶烏當大壩貳分東至省城大路西至頭堡
南至小河北至本堡歲納倉斗穀叁石陸斗折糧米壹
石捌斗○千百戶廟後壹分東至水碾廠路南至廟壕
西至養牛坡北至李家田又高寨貳拾畝東至白崖南
至喇紮西至長田北至馬鞍山又窩地邊壹分四至俱
坡歲納倉斗穀柒石折糧米叁石伍斗
中所一百戶尖山脚下壹分東北至官田南至大山西
至大路又台子槐壹分東西至田南北至山歲納倉斗

穀壹拾貳石折糧米陸石○三百戶蘿蔔洞貳分東至高田南至長坡西北至小寨河歲納倉斗穀伍石折糧米貳石伍斗○三百戶阿往寨壹分下溪壹分抄紙房壹分東至夏旗冲南北至官田西至大路歲納倉斗穀貳拾貳石折糧米壹拾壹石○四百戶壩上壹分東至大坡南至萬金中田西至玉受三田北至小河又梅子溪窰子田壹分東西至路南北至山歲納倉斗穀捌石折糧米肆石○五百戶下壩田壹拾貳畝東至民田南至養田官溝西至孫元九官田北至堡前大路又堡前貳拾肆畝東至民田南至阿比寨大坡西至大溝北至白雞坡又土壩叁畝東至官溝南至小河西至馬來住田北至大坑又叁畝肆分東至合同民寨坡脚南至官田西至灣子坡北至本堡大路又上壩河壹分東至梅子溪西至官溝南至灣子坡北至小溝歲納倉斗穀叁拾陸石貳斗折糧米壹拾捌石壹斗○六百戶狗場邊壹分東至狗場坡南至陳伏二田西至石板塘北至楊梅堡路又河邊壹分東至大壩軍田南至周勝六田西至水井邊北至河又小山溝邊貳分東至唐指揮田南

至小山西至溝北至鮑觀音保田歲納倉斗穀玖石折糧米肆石伍斗○七百戶小冲南關陸畝東至大路南至坡西至王家墳北至堰溝又鮑家墳壹分東至溝南至坡西至田北至路歲納倉斗穀陸石折糧米叁石○八百戶擺陀堡壹分東至本堡大路南至官山西至林付七官田北至河溝又栗木山壹分東西至田南至路北至坡歲納倉斗穀叁石折糧米壹石伍斗○九百戶新田寨壹分東至路南至張景元官田西至官田北至姚昂官田文董隆壹拾捌畝東至平花路南至董隆西至上馬橋北至董隆寨又小橋壩壹分東至錢興一田南至祥桃寨西至青崖河北至青崖場又新開養容田壹分東西至官田南至路北至寨歲納倉斗穀叁拾石折糧米壹拾伍石○十百戶團寨貳分東至定番州大路南至明德官田西至放牛坡北至團寨田又大路壹分四至俱官田又光閣冲壹分東西至坡南至田北至路又小橋壩壹分東南北至田西至坡又石厰坡壹分四至俱山又馬黃壩壹分東至路南北至田西至坡歲納倉斗穀貳拾肆石折糧米壹拾貳石

前所六百戶新寨河邊壹分東至支付七官田西至何
貴旗田南至本寨路北至大河邊又西冲壹分東至田
西至坡南至溝北至路歲納倉斗穀陸石折糧米叁石
○二百戶濫泥溝寨貳分東至大坡南至田西至本寨
路北至山歲納倉斗穀叁石折糧米壹石伍斗○三百
戶石坡塘貳坵東至坡塘南至官田西至翠山北至幫
堡大路歲納倉斗穀伍石貳斗折糧米貳石陸斗○四
百戶楊梅冲壹分東至小溝南至小山西至官田北至
大壩又谷縱波壹塊東至溝南至河西至大壩北至路
歲納倉斗穀肆石貳斗折糧米貳石壹斗○五百戶小
門後壹分東至官園壕西南至大路北至風火官塘又
小堡河邊鴨蛋田壹分東至坡西至河南至路北至田
歲納倉斗穀肆石陸斗折糧米貳石叁斗○六百戶黃
土坡貳分東至丁家田南至劄佐大路西至馬乃坡北
至黃土溝歲納倉斗穀叁石陸斗折糧米壹石捌斗○
七百戶瓮仰堡中寨壹分東至周家墳山西至打磨大
山南至大田壩冲北至小河寨又天生橋壹分東至官
田西至山南至路北至寨歲納倉斗穀叁石陸斗折糧

米壹石捌斗○八百戶堡門前貳坵東至清水河南至
黃泥坡北至田西至鍾家園歲納倉斗穀貳石陸斗折
糧米壹石叁斗○九百戶毛口凹壹分駝馱坵東至羅
鬼坡西至馬乃路南至官溝北至真武山又新寨冲壹
分東至山南至坡西至路北至溝歲納倉斗穀捌石折
糧米肆石○十百戶窰廠貳坵東至窰廠坡南至大塘
冲路西至獐佬墳北至舊窰地歲納倉斗穀貳石肆斗
折糧米壹石貳斗

後所一百戶烏堵獐佬水溝肆段四至俱坡歲納倉斗
穀壹拾柒石陸斗捌升壹合陸勺折糧米捌石捌斗肆
升捌勺○二百戶小關山口貳分東西至鴉坡南至田
北至小關大路歲納倉斗穀叁石陸斗折糧米壹石捌
斗○三百戶騾馬墳壹分東西至騾馬墳南至清水小
路北至小河又抵羊壩守路寨壹分四至俱坡歲納倉
斗穀捌石折糧米肆石○四百戶堡前壹分東南俱坡
西至田北至路又地上堡壹段四至俱坡歲納倉斗穀
肆石折糧米貳石○五百戶羊荒壹分四至俱官田又
本堡壹坵四至俱田歲納倉斗穀肆石折糧米貳石○

六百戶老虎冲肆畝東至大坡西至官田南至本堡路北至田又炭窰叁坵東至坡西南北至田歲納倉斗穀叁石貳斗折糧米壹石陸斗○七百戶桃花園肆畝又黑石頭壹段四至俱坡歲納倉斗穀叁石陸斗折糧米壹石捌斗○八百戶高坡肆畝東至割草山南至石頭山西至大山路北至放牛山又葛馬門首壹分東南至山西北至路歲納倉斗穀叁石折糧米壹石伍斗○九百戶濫田冲陸畝西至官田東南北至山又馬脚濫肆畝四至俱田又不杉坡肆畝四至俱山又水溝邊肆畝東至大溝西南北至田又龍家田壹分四至俱坡歲納倉斗穀拾石折糧米伍石○十百戶落沙壩小冲玖畝東至小坡南至大路西至大山北至大坡又大溝石頭壹拾貳畝東至大山西至路西至溝北至小坡又高寨壹段四至俱坎歲納倉斗穀壹拾壹石陸斗折糧米伍石捌斗○以上共穀叁百伍拾肆石伍升伍合陸勺折糧米壹百柒拾柒石貳升柒合捌勺

遞馬穀本衛歲該倉斗貳百伍拾肆石零玖升折糧米壹百貳拾柒石肆升伍合○伍所赴豐濟倉完納屯科糧米

舊有使用米巡撫江東之訪革每百戶議穀肆石五十百
 戶共穀貳百石折糧米壹百石同遞馬米俱貯縣倉○以
 上賑田遞馬田裁革使用折穀三項每年共倉斗穀捌百
 零捌石壹斗肆升伍合陸勺折糧米肆百零肆石柒升貳
 合捌勺俱貯新貴縣倉自三十二年為始盡支湊給新兵
 糧餉

宣慰司

戶口○嘉靖間官民貳千壹百肆拾伍戶壹萬貳千玖百
 肆拾貳丁口萬曆十三年參千柒百零貳戶參萬伍千貳
 百肆拾玖丁口二十五年報存參千貳百玖拾肆戶參萬
 壹千叁拾叁丁口本司官目下壹千陸百陸拾叁戶壹萬
 柒千玖拾丁口龍里司壹百玖拾貳戶貳千叁百捌拾
 伍千伍拾伍丁口龍里司壹百玖拾貳戶貳千叁百捌拾
 肆丁口底寨司壹百零陸戶壹千柒拾玖丁口乖西司壹
 百壹拾捌戶壹千壹百捌拾貳丁口養龍司捌拾柒戶壹
 千貳拾捌戶壹千壹百捌拾玖丁口白納司壹百叁拾玖
 戶伍拾陸戶柒百捌拾玖丁口中曹司壹百零叁戶柒百叁拾丁口三十
 年黃冊參千柒百壹拾肆戶參萬參千壹百捌拾叁丁口

土田○舊志田無頃畝萬曆八年新丈田地參拾肆萬玖

千陸百肆拾肆畝零二十五年報增參拾肆萬玖千陸百

肆拾玖畝零本司官目下參拾萬玖千柒百肆拾捌畝零
 水東司壹萬伍千伍百叁拾玖畝龍里司參

千捌百伍拾貳畝零底寨司貳千玖百玖拾玖畝零非西
司叁千貳百貳拾壹畝養龍司貳千伍百柒畝零青山司
肆千肆百叁拾畝零劉佐司壹千陸百壹拾捌畝零白納
司叁千貳百壹拾柒畝零中曹司壹千伍百壹拾柒畝零
三十年黃冊叁拾伍萬壹百貳拾叁畝零

貢賦○宣慰安疆臣員下歲 貢驛馬肆匹又賀 萬壽

聖節驛馬肆匹叁年壹 貢朝 觀驛馬叁拾匹○宣慰

宋承恩員下歲 貢賀 萬壽聖節驛馬貳匹○水東等

九長官司每叁年壹 貢朝 觀馬玖匹○叁年壹 貢

本色茶芽壹拾壹斤貳兩肆錢貳分伍釐○夏稅較麥舊

額叁拾貳石玖斗壹升零今減去貴竹司陸石玖斗伍升

屬貴陽府外額該貳拾伍石玖斗陸升十二馬頭麥叁石

司較麥肆石捌斗叁升零底寨司叁叁石養龍司叁

貳石伍斗青山司較陸石劉佐司較叁陸石叁斗

秋糧○舊額捌千伍百肆拾陸石陸斗陸升零萬曆八年

新丈額該捌千壹百伍拾伍石柒斗伍升零二十五年報

增捌千貳百柒石叁斗陸升零本司官目下陸千捌百陸

肆百陸拾陸石玖斗貳升零龍里司壹百伍拾石底寨司

柒拾叁石陸斗伍升西司壹百陸拾壹石養龍司陸拾

伍石青山司壹百貳拾叁石叁斗捌升零劉佐司陸拾捌
石伍斗零白納司壹百陸拾伍石捌斗肆升零中曹司未
拾壹石 三十年黃冊捌千貳百伍石伍斗零

課程○商稅門攤鈔共肆萬壹千玖百肆拾壹貫叁百玖

點高卷之一
拾文○稅課局稅銀叁拾捌兩肆分

徭役○萬曆二十五年條鞭銀差力差公費三項共銀叁

千肆百壹拾柒兩玖分零

水東司肆百陸拾伍兩肆錢伍

捌錢貳分零白納司壹百捌拾玖兩玖錢陸分零中曹司

貳百叁拾肆兩陸錢玖分零青山司壹百陸拾柒兩玖錢

玖分捌伍司捌拾陸兩肆分零底寨司壹百兩陸錢叁分

零養龍司捌拾玖兩貳錢肆分零平西司貳百伍拾肆兩

玖錢貳分零麓十二馬頭壹千壹百壹拾伍兩叁錢壹分

零額有表箋貢馬茶芽應朝祭祀鄉飲迎春考試鹿鳴

宴率貢坊牌盤鑪各衙門柴薪馬夫油燭柴炭什物心紅

紙割刑具門禁庫皂齋夫工食各驛供館馬價鋪陳諸費

俱於前

銀內支